

A large, stylized white dove is depicted in flight, facing right. The dove's wings are spread wide, with the upper wing showing detailed feather patterns. The background is a solid blue color. The text is placed within the blue areas: 'Ekalesia Nasareta' in the top right, and 'FAANASARETA TĀMAU' with a subtitle in the middle left.

Ekalesia Nasareta

FAANASARETA
TĀMAU

QUEM SOMOS. O QUE CREMOS.

FAATUPEINA E LE LAULAUFONO A TAITAI ÆOÆO

EKALESIA NASARETA

© LOMIAPULEA 2015

E NOATIA ÆIÆ-TATAU UMA. FAALAPOTOPOTOGA A LE EKALESIA NASARETA.

FAASOLOGA O MATAUPU

Sila-maimoa ia i Tāmau Faanasareta

○ lo tatou tofi Amiopa'ia-Faaueselē

○ la tatou Ekalesia Faakolope

○ a tatou pelēga aupitoaluga

○ la tatou Mautausi

○ a tatou Mamanu'ula Faanasareta

○ la tatou Mataupu Silisili Faaueselē

○ a tatou Mau o le Faatuatuaga


○ la Tatou Ekelesiolo

○ a tatou Pule'aga

○ le Ekalesia: Faalenuu, Faaleitumalo, Āoāo

○ le Ekalesia Soofau





O le Ekalesia a le Atua,
i ona taiulu tumati'e
uma i le lalolagi ma
le lagi, ua i ai ona
tauaofiaga, aoaoga,
ma lana tapuaiga
tuufaatasi, peitai, o
le sini fia ausia o nei
mea uma, ia foliga le
tagata i lona Alo.

—Phineas F. Bresee

O le Uluai Taitai Āoāo o le Ekalesia Nasareta

SILAMAIMOA IA I TĀMAU FAANASARETA

Ua talosaga le tupulaga fou o Nasareta ia tuufaatasia i se lomiga iti ma iloa gofie i le gagana masani mau faavae o aoaoga, talafaasolo, mataupu silisili, mautausi, faatupega, ma le natura tumati'e o le ekalesia.

O Tāmau Faanasareta o le aotasiga pupuu o taofi ua faamatala ai le mafuaaga na faatū ai le Ekalesia Nasareta: o lo tatou faasinomaga atoa ma o tatou talitonuga. Ua saunia i lenei lomiga le ala e saga faamanino atili ai pea faamoemoega o le ekalesia mo le faasalalauina o le amiopa'ia faaletusipaia atoa ma lana mautausi ia fausia soo ia foliga ia Keriso i nuu uma o le lalolagi.

O lea ua opea i le upega o tafa'ilagi *Tāmau Faanasareta* nei (agai i le www.whdl.org ma saili le “Tāmau Faanasareta”).

A'o e faitau ma susesue Tāmau Faanasareta, e ono faaopoopoina lou iloa lelei o le Ekalesia Nasareta atoa ma lona manaoga tupito ia usitaia le poloaiga e tala'i le tala lelei a Iesu Keriso.

Faailo: O Tāmau Faanasareta *ua na o se lagolagosua ae na te le suia le tulaga o le Faavae a le Ekalesia Nasareta*





Mai ia Ioane Uesele (John Wesley), 1703-1791,
o Faavae o le Mau Faametotisi.

O LŌ TATOU TOFI

Ua taofi le Ekalesia Nasareta, o tatou o le lalā o le Ekalesia a Keriso e tasi, e paia, e salalau i le atulaulau, ma faaaposetolo. O le pogai lea ua avea ai le talafaasolo faakerisiano ma ō tatou talafaasolo. Faamanino atili, o tatou o le vaega o le talafaasolo o tagata o le Atua ua faamauina i le Feagaiga Tuai ma le Feagaiga Fou atoa, aofia ai ma tupulaga uma o le olaga nei. Ua aofia iʻi mamanu lasi eseese o le ekalesia a Keriso i soo se itu o le lalolagi. Ua tatou talia uluai mau o faatuatuga o le Kerisiano e fai ma mamanu ola o le faatuatuga ua patino ia i tatou.

E pei ona faia e le ekalesia mai le amataga, ua faapea foi ona tatou lauga le Upu, faatino sakalameta paia, ma ūmau le faiva na fofoa i lima o aposetolo na uluai ola faapei o Keriso, i le amio atoa ma le tautua. I le autasi ai ma le au faatuatua uma i atunuu lasi, i le auuaʻi mai o tupulaga, ua tatou talileleia ai le valaau faatusipaia ia tatou ola paʻia ma ia atoatoa ona tuuina atu o i tatou i le Atua. Ua igoa lenei mau, o le ola faapaiaina atoatoa, ma o le mau lava lenei ua tatou talaʻina ma le loto fafia.

E lasi lalā o le talafaasolo faakerisiano. Ae o le Toefausia Faapolotesano lava, na afua ai lo tatou tofi – aemaise le Toefausia Faaegelanī – i le seneturi sefulu-ono (16). Tuanaʻi atu lena, ae tulaʻi mai le Toefafagu Faaueselē i le seneturi sefulu valu (18) na fai ma afegāvai o lo tatou talafaasolo. O le Toefafagu lea na fofoa mai le talaʻiga a le uso – loane ma Salesa Ueselē – na soo ai Egelanī, Sikotilanī, Aiolanī, ma Uālesī. Mafuaaga o le aave o tala o lea Toefafagu, o le vaitau na liliu ai le toatele mai le agasala ma ua faaoloataūaina mo le faiva faakerisiano.

O le Toefafagu lea na faalaumea toulū ai tumaaga masani a le ekalesia ma ua totonu ai foliga fou nei:

- Ua folafola le Upu e tagata lotu, o ē ua faatuatua, ae le o ni faifeau poʻo ni tiakono.
- Ua ofi i faiga tapuaiga tautinoga a tagata lotu, ua molimau i galuega a le Atua i o latou olaga.
- Ua unaʻiina tagata faatuatua uma ia ola pulea i le faakeriso, ma ua tuu vaevae le ‘au soo i totonu o mafutaga laiti e faaauau ai ona faamalosiʻau o le tasi i le tasi.

E faaopoopo i nei faiga, na faamamafa e le Toefafagu Faaueselē mataupu silisili taua nei:

- Taʻuamiotonuina, na afua mai le alofatunoa, e ala i le faatuatua
- Faapaiaina—poʻo le atoatoa faakerisiano—na afua mai le alofatunoa, e ala i le faatuatua
- O le talitonuga e faapea, ua faamautinoa e le Agaga Paia i ē faatuatua, e moni ua iā i latou le alofatunoa.

O le tautū i le ola faapaiaina atoatoa, o le sao tumaʻoti lea o loane Ueselē i le talafaasolo ma le mataupu silisili faakerisiano. Na taofi o ia, o le meaalofo lea a le Atua ua mafai ai e le au faatuatua ona ola i le faakerisiano moni. Na salalau ana aoaga i le lalolagi, e aofia ai Amerika. O le 1784, na faatū ai le Ekalesia Metotisi Episikopo i Amerika i Matū “ia toe fausia le konetinetā ma ia faasalalau i ona eleele le amiopaʻia faatusipaia.”

O le seneturi 19 na toe laga ai ma faamamafa le atinaʻeina o le amiopaʻia faakerisiano. Na amata lomai ai e Timoteo Merritt le fuitusi, o le Taiala i le Olaga Faakerisiano ua Atoatoa (*Guide to Christian Perfection*).

Na taitai ai e Fipe Palmer mafutaga tatalo i ogatotonu o vaiaso e faalauiloa ai le amiopa'ia. Na lauiloa lea tamaitai i ana lauga, tusitusiga, ma ana teuteuga o tusitusiga lomua a isi. O le 1867, na tuufaatasi ai e faifeau Metotisi mafutaga faatōlauapi – taulāmua ai loane A. Wood ma loane S. Inskip. O galuega tetele nei na lolofi i ai tagata e faitau aso o tapuai faatasi ma faalausosoo ona tolauapi i fale'ie. O le amiopa'ia, o le mau tauloto lea a faifeau nei, atoa ai ma lo latou toe faaolaolaina o le finau Faaueselē mo le amiopa'ia i le lalolagi atoa.

O le faamamafaina o le amiopa'ia faakerisiano, na mānu ane ai nisi o lalā e pei o le Metotisi Faaueselē, Metotisi Saoloto, Salvation Army, o nisi o Mennonites, Brethren, ma Quakers. O ē mai le Evagelia, na auina atu i Siamani, Peletania Tele, Scandinavia, Initia, ma Ausetalia. O le salalau ai o nei lalā uma i le lalolagi, na faatutū ai lotu fou a le amiopa'ia, e aofia ai le Church of God (Anderson, Indiana). E tele tala'iga ma potopotoga faamisionare na tatala i aai tutaulaga i lea vaitau. E le tasi se ekalesia na lafo 'aso i le ola tetele o le galuega. Fua lea o le faaigoa, Mau a le Amiopa'ia. O le naunau ia tasi se fuiaulotu e opo uma ai nei potopotoga uma, ia agaitonu ai i le amiopa'ia, na fanau ai le Ekalesia Nasareta.

O le pogai lea ua faaoga ai le upu, “Amiopa'ia-Faaueselē”, e ta'u ai tatou, aua o aa tetele ia – o le Toefafagu Faaueselē ma le Mau a le Amiopa'ia – na fofoa mai ai la tatou fuiaulotu.

Aufaatasi i le Amiopa'ia

I totonu o Setete Aufaatasi o Amerika (USA), na faatū ai e Fereti Hillery i le Setete o Rhode Island le ekalesia a le People's Evangelical Church i le 1887. Na sosoo ai le Mission Church i le aai o Lynn i Massachusetts i le 1888. Ae o le 1890 na faatasi ai ma aulotu e valu i le faatūina o le Central Evangelical Holiness Association. O le 1892, na avea ai Ana S. Hanscome ma uluai faifeau tamaitai faauu i le faapotopotoga na mulia'i avea ma Ekalesia Nasareta.

O le tausaga 1894 ma le 1895, na tuufaatasi ai e Viliamu Howard Hoople aulotu e tolu o le olapa'ia i le aai o Brooklyn i New York, e fai ma Faalapotopotoga o Ekalesia Faapenetekoso o Amerika (Association of Pentecostal Churches of America). O aso na, sa uiga faatasi le “Faapenetekoso” ma le “Amiopa'ia.” O le 1896 na tuufaatasi ai aulotu a Fereti ma Viliamu. Na latou faamautū ai le galuega i Initia i le 1899 ma Cape Verde i le 1901. O le alii o Hiram Reynolds na ia faatutūina aulotu i Kanata i 1902. E oo mai i le 1907, ua laupae ekalesia o le faapotopotoga i le sau mai Nova Scotia e agai atu i Iowa.

O le 1894, na faatū ai e Ropati Lee Harris le Ekalesia a Keriso o le Feagaiga Fou i le aai o Milan i Tennessee. Na malia lea alii, ae tauave e lona toalua o Maria Lee Cagle le galuega. Na faatūina e C. B. Jernigan le uluai Independent Holiness Church i le aai o Van Alstyne i Texas i le 1901. O ekalesia uma nei na tuufaasi i le aai o Fetu Oso (Rising Star) i Texas i le 1904, ma faatū ai le ekalesia, Holiness Church

of Christ. E oo mai i le 1908, ua mafalā le galuega i le sau mai Georgia e agai atu i New Mexico, ua tautuaina le ‘au lē taualoa ma e matitiva, ua tausia e matua oti atoa ma tina nofofua, ua paaga foi ma tagata faigaluega i Initia ma Iapani.

O le 1895, na paaga ai Fineaso F. Bresee, Iosefa P. Widney, ma le toaselau, e faatū le Ekalesia Nasareta i le aai o Los Angeles. Na taofi i latou, o Kerisiano ua faapaiaina i le faatuatua, e ao ona mulimulita’i i tulagavae o Keriso ma faasaga e tala’i le talalelei i ē matitiva. Na alu lo latou taimi, tō foi a latou tupe e faatino ai galuega na iloa ai Keriso, mo le lavea’ina o agaga ma le faamamā avega i ē matitiva. O le Tafa i Sisifo o le Lunaite Setete o Amerika na salalau tetele ai le Ekalesia Nasareta, ae na o nai aulotu sa taumamao i le itu i sasa’e e pei o Illinois. Na latou lagolagoina foi le tala’iga na faapitoa mo tama a le eleele i le aai o Kalakuta (Calcutta) i Initia.

O Oketopa 1907, na feiloai ai sui o le Faalapotopotoga o Ekalesia Penetekoso i Amerika ma sui o le Ekalesia Nasareta i le aai o Chicago i Illinois. Na faafaletui i latou e fau se ekalesia fou e faapaaga lelei ai mau tuma’oti nei e lua na faatonuina le pulega o le ekalesia: 1tofiga-taitai ma 2aia-tatau faaaulotu. Ua i ai nei i le ekalesia fou ona taitai tofia, latou te faatutū ma faamautū lotu fou. Peitai, latou te le āiā i faiga tutoatasi a ekalesia faalenuu ua faamautūina atoatoa. Na auai sui mai le Ekalesia Amiopa’ia a Keriso i le faafaletui lenei. O le Uluai Fono Aoao lea na maua ai le igoa, na fausia mai igoa o ia faapotopotoga. Ua igoa ai o le Ekalesia Nasareta Penetekoso (Pentecostal Church of the Nazarene). O Fineaso (Bresee) ma Reynolds na filifilia e fai ma uluai taitai aoao.

O Setema 1908, na tuufaatasi ai le ekalesia a H. G. Trumbaur ma le Ekalesia Nasareta Penetekoso. Ae o Oketopa 13, i le tauaofia o le Fono Aoao Lona-Lua i le aai o Pilot Point i Texas, na faatasi mai ai le General Council of the Holiness Church of Christ. O le fono lava lea na tuufaatasi ai ekalesia ia e lua.

O le 1898 na taitai ai J. O. McClurkan i le fauina o le Tala’iga Penetekoso na fausia i le aai o Nashville i Tennessee. O le auvaa lea na tuufaatasia uma tagata amiopa’ia mai lea itulagi. Na latou auina atu faifeau ma faiaoga i Kiupa, Kuatemala, Mesikō, ma Initia. O le 1906 na faate’a ai Siaosi Sharpe mai lana ekalesia i Glasgow i Sikotilani, ona ua ia laugaina le mau faaueselē o le amiopa’ia faakerisiano. Na ia faavaeina ni aulotu fou; i’u ai ina faavae le Ekalesia Penetekoso Sikotilani i le 1909. O le 1915, na tuufaatasi ai le Tala’iga Penetekoso, o le Ekalesia Penetekoso Sikotilani, ma le Ekalesia Nasareta Penetekoso.

O le 1919, i le Fono Aoao Lona-Lima na suia ai le igoa o le fuiaulotu i le Ekalesia Nasareta. Talu ai, ua lē o toe uiga faatasi le “Penetekoso” ma le “mau o le amiopa’ia” e pei ona sau ai mai le faatausi’usi’uga o le seneturi 19. E ui ina fou le fuiaulotu, ae na mau lava le toovae i lana uluai mautausi, ia tau lava o le talalelei o le faaolataga ua atoatoa lelei tatou te tala’ina.

Mai ia Ioane Uesele (John Wesley), 1703-1791, o Faavae o le Mau Faametotisi.

Fono Aoao i Pilot Point, Texas (USA), 13 Oketopa 1908.





O LA TATOU EKALLESIA FAAKOLOPE

O le Ekalesia Nasareta o le ekalesia faakolope.

O ekalesia uma na soofau i le 1915, o i latou ia, na mamauina le sosolo faakolope o le fuiaulotu lenei. I lea vaiata, na i ai Ekalesia Nasareta i atunuu e pei o Argentina, Iapani, lunaite Setete, Initia, Mesikō, Peletania Tele, Peru, Saina, Suaselani, Kanata, Kiupa, Kuatemala, ma Cape Verde. E oo mai i le 1930, ua oo le Nasareta i Barbados, Mozambique, Palesitina, Afelika i Saute, Suria, ma Trinidad. O taitai o le ekalesia mai atunuu eseese, o latou ia na tutū malosi i lea faiga, e aofia ai taitai itumalo e pei o V. G. Santin o Mesikō, Hiroshi Kitagawa o Iapani, ma Samuelu Bhujbal o Initia.

Na faasolo tupu pea le avea o le Ekalesia ma tino faavāomalō i le faasolo faapipii mai pea o isi faapotopotoga i lo tatou fuiaulotu.

O le 1922, na taitai mai ai e J. G. Morrison i le Nasareta le toatele o tagata faigaluega mai le asosi a le Layman's Holiness Association, atoa ma le silia i le 1,000 sui mai Dakotas, Minesota, ma Monitana. O Chung Nam Soo (Ropati Chung) na taitai mai i le Nasareta le paaga a faifeau Korea ma aulotu mai le vaiata o le 1930. O le 1945, na faatasi ai le Nasareta ma ekalesia mai Ausetalia na taitai e A. A. E. Berg. O le 1948 na aumai mai ai e Afeleti (Alfredo del Rosso) ekalesia Italia i totonu o le fuiaulotu. Ae o le 1950, na paaga ai le Nasareta ma le asosi a le Hephzibah Faith Missionary Association i le faatinoina o galuega i Afelika i Saute; paaga foi ma lona ofisa tutotonu na i le aai o Tabor i Iowa.

O le 1907 na faavae ai e Tavita Tomasi i Lonetona le International Holiness Mission (IHM), na atina'eina le tele o galuega i Aferika i saute i lalo o le taitaiga a Tavita Jones. O le 1952 na soofau ai le Nasareta ma ekalesia a le IHM i Egelani ma Aferika, i lalo o le taitaiga a J.B. MacLagan. O le 1934 na faavae ai e Maynard Semisi ma Siaki Ford le Calvary Holiness Church in Peretania, ae mulia'i soofau i le 1955 ma le Nasareta. O le 1918 na faatū ai le Gospel Workers Church e Farani Goff i le aai o Ontario i Kanata, ae mulia'i soofau ma le Ekalesia Nasareta i le 1958. O se vaiata o le 1940 na faavae ai e tagata Nigeria le Ekalesia Nasareta a tama o le elele, i lalo o le taitaiga a Ieremia U. Ekaidem, ae mulia'i soofau ma le tino faavāomalō o le Nasareta i le 1988.

O le tuputupu malosi ai o le Ekalesia Nasareta, o le atili faamausaliina foi lena o lona tulaga ua avea ai ma fuiaulotu faavāomalō. A fua i faiga tau atia'e nei, o le fausaga o le ekalesia i se faiga ua ese mai le tele o ekalesia faapolotesano, o le fuafuaga na matua silasila mamao i ai le au Nasareta. O le 1976, na iloilo ai e le Komisi le lumana'i o le fuiaulotu. O le latou lipoti na molia i le Fono Aoao o le 1980, na fautuaina ai ia vaetamaina ma le toto'a e le fuiaulotu le tulafono o le faavāomalōina e faavae i aiaiga nei:

- Muamua, ia faamaonia le soofau o ekalesia faalenuu ma faaleitumalo a le Nasareta, e fausia faakolope ai le mafutaga i le lalolagi atoa, a le au faatuatua ua atoatoa ona talia i totonu lava o ō latou siomaga faaleaganuu.
- Lona-lua, ia autasi i le tausoina o le fatuaiga tausua ua foliga ese ai le Ekalesia Nasareta, lea ua faalauiloaina faapea, "ia tala'ina le amiopiaia faaletusipaia" ... o le maa tulimanu lea i le ogatotonu o le faavae lēmaluelueina ua iloga tetele ai foliga faanasareta."

O le 1980 na talia ai e le Fono Aoao "alafua o mataupu silisili faavāomalō" i le valelei ma Matātusi o le Faatuatua. Na faataūa ai le aotauina o faifeau ia iloa mataupu silisili ma ia faatupu le tamaoaiga mo le

atina'eina o aoga maualuluga e aoao ai mataupu silisili i matavao eseese o le lalolagi. Na una'ina foi le 'au Nasareta ia oo i le matua, e avea ai ma fuinuu faavāomalō ua vilivilita'i i le olapaia. O le soofau faapea o le fuinuu, na tineia gofie ai le tofa manino tuai faakolone sa fai ma a'upega na vaelua ai tagata, feūta'i ai foi malo: "malolosi isi ae vaivai isi, lima foai isi, ae na ona talitali faalumaga isi." O le vaaiga fou lenei, na matala ai le alafou ua atoatoa ona lelei, na sui ai le vaa i le va tausī o tagata: taatia loa vaivaiga ae faamamafa malosiaga ma faatumua'i tutusa le mamalu o sui o paaga taitasi."¹

Pogai lea ua mataese ai mamanu faatupu lotu o le Ekalesia Nasareta mai isi i le li'o o le Polotesano. E oo mai i le 1998, na o le afa o Nasareta, ua nofomau i le lunaite Setete ma Kanata. I le ma lea, o le toalua mai le taitoalima o sui usufono o le Fono Aoao i le 2001, 'a lē vaivai le Igilisi, ua lē tautala Igilisi lava. I le ma lea, ua filifilia foi le alii Aferika o Eugenio Duarte mai Cape Verde i le tofiga o le taitai aoao i le 2009.

Mamanu Mataese o le Galuega Faavāomalō

Mai le talafaasolopito, o le faamamafa faanasareta na agai lava i faaevagelia, tausiga o tagata mafatia, ma mea tau aoaoga. O le nutimea faatasi lava o misionare mai aganuu lasi atoa ma le faitau afe o faifeau ma tagata lotu na laufetiitii ai le galuega faavāomalō. O le 'au faigaluega lenei na latou faaofia aoaoga faaeselē i totonu o tofa manino e patino iā latou lava aganuu.

O le alii o Hiram F. Reynolds, o le taitai lea na ia muai atia'e le faaevagelia i le lalolagi atoa – na una'ina ai le au Nasareta ia sopo'ia aganuu eseese i le tala'iga o le Talalelei. I le 25 tausaga, a'o ia tauavea le tofi taitai aoao, o ia o se tagata finau maumaututū mo le galuega tala'i; o lana lea fesoasoani tele, ia tumati'e lo tatou finafinau faamisionare ia avea ma faamuamua a le fuiaulotu. Mai le 1915, o lo'o tau lelei lava le tautua a le Nazarene Missions International (Tala'iga Faanasareta Faavāomalō) —o le faalapopotoga o lo'o faalauiloa, aoao, ma faia sailiga tupe mo le faamisionare faanasareta – i totonu o aulotu i le lalolagi.

O Nasareta na amatamea, o tagata alolofa tele i tagata. O molimau ia o le alofa tunoa o le Atua, e ala i le lagolagosua i sailiga fofō mo le oge i Initia, tautua mo e ua āumatuā, fausia nofoaga tumau mo teneiti ma fafine failelei e leai ni taitoalua, ma fausia faletausi mo e ua afaina i fualaau faasaina atoa ma ē ua leai ni aiga. O le 1920, na faataatia ese ai le faamuamua mo tagata mafatia, ae suia i tausigā ma'i. Na fausia e le Ekalesia Nasareta falema'i i Saina ma Suāselani, mulia'i i Initia ma Papua Niu Kini. O foma'i Nasareta nei na feagai ma le tausiga o ē mama'i, faia taotoga, a'otau le au tausī ma'i, ma faatupeina faletausima'i fesiita'i i nisi o nofoaga o tagata ua sili ona matitiva i le lalolagi. Na faatuina foi e le ekalesia nofoaga faapitoa e pei o le falema'i o lepele i Aferika.

O se vaitau o le 1980, na fausia ai e le ekalesia le Alofatulai Faanasareta (Nazarene Compassionate Ministries). O le auala lea na faalautele ai le tautua mo tagata mafatia e pei ona faia i nei onapo: tautua tausī fanau, sailigā fofō mo faalavelave, aoga i le faama'i o le AIDS, tausiga o ē ua āumatuā, sailiga o vaiinu, faasoasoina o meaai, ma le tele o isi galuega faapena.

O Aoga Aso Sa ma Aoga Tusi Paia o mea masani ia na tausī ai le ola faaleagaga o aulotu faanasareta. E taua tele mea ia i le faafotuina o soo foliga Keriso. Afua mai i ona uluai tausaga, o aoga amata lava, ma ia iloa faitau ma tusitusi na tautū i ai le ekalesia. O le aoga, Hope School mo Teine i Calcutta na faavaeina i le 1905, o le faataitaiga lea mai le amataga. O le sini o aoga faanasareta, mo le lalolagi atoa, ia lava tapena tamaiti aoga, ia fai so latou sao i le atina'eina o vaega nei o le olaga: mea e futiafu faatasi ai, atina'e o tamaoaiga, ma faiga o tapuaiga. O le tele o iunivesite faanasareta i totonu o le lunaite Setete, sa piiama lava ma aoga faataitai ma aoga laasagalua se'ia pa'ia le vaeluaga o le seneturi 20.

O aoga maualuluga, o le atina'e na matua sasaa i ai le tamaoaiga o Nasareta na amatamea i le galuega. Na latou taofi i le taua o le aoaoina lelei o faifeau ma 'au Kerisiano galulue. E taua tele lea mo le fausia o tagata lotu. Ua mau nei i faamaumauga a le International Board of Education (Taiulu o Aoga Faavāomalō) aoga maualuluga faanasareta uma i le lalolagi atoa, e aofia ai kolisi laiti ma iunivesite i Aferika, Brazil, Kanata, Caribbean, Kolea, ma le lunaite Setete. O lea lava foi ua tausī vaatele le ekalesia i Kolisi Faatusipaia ma aoga maualuluga i ona itulagi uma e ono i le lalolagi atoa (Aferika, Pasefika-Asia, Europa-Asia, Amerika-Tutotonu, Amerika i Saute, ma Amerika-Kanata) faapea foi ma aoga faai'uso o le mataupu silisili i Ausetalia, Costa Rica, Egelani, Filipaina, ma le lunaite Setete.

O le lei fanafanau le Ekalesia Nasareta. Na amata mai o tu valavala solo le Nasareta i matavao eseeese o le lalolagi. Ae o lenei ua soofau, ua fai ma fuinuu faakolope o le 'au faatuatua. Mai lona faavae ai i tu ma aga faauēselē, ua faaigoaina ai e le ekalesia ona tagata o tagata, "Kerisiano, Amiopaia, Faatala'i" (taga'i i le vaega o Pelega Autu i le Faavae). O le mautausii lea a le ekalesia ua opomau e Nasareta uma: "Fausia soo ia foliga ia Keriso i malo uma."

¹ *Journal of the Twentieth General Assembly, Church of the Nazarene*, (1980): 232. Franklin Cook, *The International Dimension* (1984): 49.

Fausia soo ia
foliga ia Keriso
i malo uma

O A TATOU PELĒGA AUPITOALUGA

1. O Tatou o Tagata Kerisiano

I le avea ai ma itutino o le Ekalesia Salalau i le Atulaulau, ua tatou autasi ai ma le ‘aufaatuatua moni uma, tatou te faalauiloa le Mamalu Tumati’e o Iesu Keriso ma tatou sapaapapai mau faatolutasi tuufaasolo ma talitonuga uma o le Faatuatuga Faakerisiano. E pele ia i tatou lo tatou tofi Amiopa’ia-Faauēselē ma ua tatou taofi foi o le auala lea tatou te malamalama lelei ai i le faatuatua ua moni pe a fua i le Tusi Paia, fua i le poto, fua i tumaaga tuufasolo a le ekalesia, ma fua foi i le olaga suia.

Ua tatou autasi ma le au faatuatua uma i le faalauiloaina o le Mamalu Tumati’e o Iesu Keriso. Ua tatou talitonu, o le alofa paia lea o le Atua ua foaiina ai i tagata uma le magaloga o agasala ma le mafutaga toefaaola. I le toe faalelei ai ma le Atua, ua tatou taofi e ao foi ona toe faalelei o i tatou, o le tasi ma le tasi, ia tatou fealofaa’i e pei ona alofaina i tatou e le Atua ma tatou fefaamagaloa’i e pei ona faamagalo i tatou e le Atua. Ua tatou taofi e tatau ona aliali foliga o Keriso i lo tatou olaga tutū faatasi. Tatou te saili foi i le Tusi Paia, o le uluai punavai lea o le meamoni faaleagaga ua faamaonia e le poto, piitia e tumaaga tuufaasolo a le ekalesia atoa, ma aliali i lo tatou olaga suia.

Ua tatou autasi ma le au faatuatua uma i le faalauiloaina o le Mamalu Tumati’e o Iesu Keriso.


O Iesu Keriso, o le Alii o le Ekalesia, e pei ona faailoa mai e le Mautausi Faanasia (Nicene Creed), o le ekalesia lenei e tasi lava, e paia, e salalau i le atulaulau, e faaaposetolo foi. I totonu ia Iesu Keriso, e ala i le Agaga Paia, ua ofoina mai e le Atua le Tamā le faamagaloga o agasala ma le leleiga toefuatai i le lalolagi uma. E avea ma tagata o le Atua i latou uma o ē talia i le faatuatua le ofo lea a le Atua. A faamagaloina ma toe faalelei ia Keriso, ona tatou fefaamagaloa’i ai lea ma fefaaleleia’i o le tasi ma le tasi. O le auala lea e fai ai tatou ma Ekalesia, o le Tino o Keriso ma faaalai ai foi le autasi o lea lava Tino. I le avea ai ma Tino o Keriso, ua iā i tatou le “Alii e toatasi, faatuatuga e tasi, ma le papatisoga e tasi.” Ua tatou faamaonia le autasi o le Ekalesia a Keriso ma tatou tauivi foi i mea uma lava ia puipuimalu i ai (Efeso 4:5, 3).

2. O Tatou o Tagata Amiopa’ia

O le Atua, o lē paia, ua valaauina i tatou i le olaga o le amiopa’ia. Ua tatou taofi ua saili mai le Agaga Paia e faatino i totonu iā i tatou le galuega faalua a le alofatunoa, ua igoa o le faapaiaina atoatoa po’o le papatisoga i le Agaga Paia – ua faamamā ai i tatou mai agasala uma lava, faafou ai i le faatusa o le Atua, ma faaolōataūa ai i tatou ia alofa atu i le Atua i le agaga atoa, loto atoa, mafaufau atoa, malosi atoa, ma alofa ai i le tuaoi e pei o oe lava ia te oe, ma fausia ai i totonu iā i tatou o uiga vaaia o Keriso. O le Foliga-ia-Keriso, o le ata vaaia lea, e iloa manino ai le mea e ta’u o le Amiopa’ia i le olaga o le tagata faatuatua.

O le galuega a le Agaga Paia ua toefausia ai i tatou i le faatusa o le Atua ma toe faatupu ai i totonu iā i tatou uiga vaaia o Keriso.

Talu ai, ua valaau le Tusi ma ua tata’i foi i tatou e le alofatunoa ia tatou ola tapuai i le Atua ma alolofa atu ia te ia i le agaga atoa, loto atoa, mafaufau atoa, malosi atoa, ma alofa i le tuaoi e pei o oe lava ia te oe, o lea ua tatou fuli atoa ai i le Atua, ma le talitonuga, e mafai ona faapaiaina atoatoa i tatou, o le feliiua’ina faalua lea o le olaga. Ua tatou talitonu o le Agaga Paia e faasala, faamamā, faatumu, ma faaolōataūa i tatou a’o feliiua’ina i tatou e le alofatunoa o le Atua i aso taitasi ia fai ma tagata o le alofa, e ola pulea faaleagaga, e ola mamā ma tauleleia, e agaalofoa, ma ola i le faamasinoga tonu. O le galuega lea a le Agaga Paia ua toe fausia ai i totonu iā i tatou le faatusa o le Atua ma toe faatupu ai totonu iā i tatou uiga vaaia o Keriso.



Ua tatou talitonu i le Atua o le Tamā, o le Fofoamea, o lē na valaau ia ola mea uma mai le leai o se mea. Sa tatou lē i ai, peitai na valaau le Atua ia tatou i ai, ma faia i tatou mo ia lava, ma faala’ei ia i tatou i lona lava faatusa paia. Ua faatonuina ai loa i tatou ia tatou tau’ave le faatusa o le Atua: “O a’u o le Alii lo outou Atua; ia outou faapaiaina outou ma ia outou paia” (Levitiko 11:44a).

3. O Tatou o Tagata Tala’i

O tatou o tagata avefeau, ua talia le valaau a Keriso ma ua faaolōataūaina e le Agaga Paia ia ta’ape atu i le lalolagi uma, molimauina le Mamalu Tumati’e o Keriso ma nutimea faatasi ma le Atua i le fauina o le Ekalesia ma le faalauteleina o Lona malo (Mataio 28:19-20; 2 Korinito 6:1). O la tatou mau tala’i e (a) amata i le olaga tapuai, (e) tautuaina le lalolagi i le faaevagelia ma le valevalealofa, (i) faamalosī’au i le ‘au faatuatua ia pā ’ia le matua faakerisiano e ala i faugāsoo, ma (o) aotauina i totonu o aoga mauululuga tamaitai ma alii mo le tautua faakerisiano.

A. O le Itu Tapua’i o la Tatou Tala’iga

E amatamea i le Tala’iga a le Ekalesia i le lalolagi le ola tapuai. A’o tauaofia i tatou i luma o le Atua i le tapuaiga – pepese, faalogo i le faitauina o le Tusi Paia, lafo sefulua’i ma taulaga, tatalo, talia le laugaina o le Upu, papatisoga, ma le talisuaga i le La’oa’i a le Alii – o iina tatou te matua iloa manino ai le uiga o le avea o i tatou ma tagata o le Atua. Ua tatou talitonu, o aulotu ola tapuai, o mea faigaluega ia ua faaoga e le Atua e faatino ai lona finagalo i le lalolagi atoa. O le mea lea, ua matua faamamafa ai e lā tatou tala’iga, le talia o tagata fou i totonu o le mafutaga o ekalesia faalenuu ma ia faasaga e faamautū aulotu fou e faamuamua ai pea le ola tapuai i le Atua.

O le Olaga Tapuai o le pine tumati’e lea o le alofa ua iā i tatou mo le Atua.

O le olaga tapuai o le pine tumati’e lea o le alofa ua iā i tatou mo le Atua. O le fatu lea o le faaeaea i le Atua e faaneene ai o ia, o lē na togilaina i tatou i le alofa na tunoa ma mutimutivale. O le siomaga autū mo le ola tapuai, o le ekalesia faalenuu e potopoto ai tagata o le Atua, e le mo le faamalieina po’o le sailiga viiiga o le tagata lava ia, ae mo le tuumaulaloina ma le tuuina atu o le tagata i le Atua. O le olaga tapuai, o le ekalesia faalenuu ua auauna atu i le alofa ma le usitai i le Atua.

B. O le Valevalealofa ma le Faaevagelia o la tatou tala'iga

I le avea ai ma ē ua faapaiaina i le Atua, ua iā i tatou Lona alofa mo ē ua sē atoa ma Lona valevalealofa mo ē matitiva ma nutimomoia. Ua una'ina i tatou e le Tulafono Sili (Mataio 22:36-40) ma le Poloaiga Sili (Mataio 28:19-20) ia tatou nutimea ma le lalolagi i faaevagelia, valevalealofa, ma pulegatonu. I le ausia o lea sini, ua avea ma ō tatou fatuaigatausi le taitai o tagata i le faatuatua, tausiga o ē matitiva, paaga ma ē vaivai e teena pulegalētonu, meafai mo le puipuiga ma le faapolopolo o alamanuia o mea na fai a le Atua, atoa ma le faaulufaleina i la tatou mafutaga o ē uma ua valaau i le igoa o le Alii.

O le tala'iga lea a le Ekalesia i le lalolagi, ua faaalua ai lona alofa i le Atua. O le tala o le Tusipaia, o le tala o le faaleleiga e le Atua o le lalolagi ia te ia, e ala tumati'e ia Keriso Iesus (2 Korinito 5:16-21). Ua auina le Ekalesia i totonu o le lalolagi e nutimea ma le Atua i le faatinoga o le alofa ma le faaleleiga e ala i le faaevagelia, valevalealofa, ma le pulegatonu.

C. O le Faugāsoo a la tatou Tala'iga

Ua tatou fuli ia fai tatou ma soo fausia o Iesu ma valaaulia nisi tagata fou e avea ma ona soo. O le taofi lea ua tatou fuli ai e tapena meafaigaluega nei (Aoga Aso Sa, aoga Tusi Paia, kulupu faatauagai laiti, ma isi mea) e faamalosi'au ai i le au faatuatua ia tutupu i lo latou iloa lelei o le faatuatua faakerisiano, tutupu foi i lo latou vatausi o le tasi i le tasi, atoa ma le vatausi ma le Atua. Ua tatou taofi, o le faugāsoo e aofia ai le faamaulalo o i tatou ia usitaia le Atua ma ia faamasani i faamalosi agaga o le faatuatua. Ua tatou taofi, e taua le fesoasoani o le tasi i le tasi ia ola i le olaga paia e ala i le felagolagoma'i, mafutaga faakerisiano, ma le faatauagai alofa. Fai mai loane Ueselē, "Ua foaiina e le Atua i tatou iā i tatou lava, ina ia taitoatasi ma faamalosi e le tasi le lima o le tasi."

O le Faugāsoo o le faiga lea ua limataitaiina ai i tatou e le Agaga Paia ia oo i le matua ia Keriso.

O le faugāsoo faakerisiano o le ituaiga olaga lea tatou te ola ai. O 'ī e aoaoina ai le olaga ua finagalo le Atua tatou te ola ai i le lalolagi lenei. A'o faamasani ona tatou ola usitai i le Upu a le Atua, e ala i lo tatou auai i faamalosi agaga o le faatuatua, atoa ma le ola faatauagai o le tasi i le tasi, o 'ī e amata ai ona tatou iloa lelei le olioli moni i le olapulea, iloa foi le uiga o le saolotoga faakerisiano. O le faugāsoo e le na o se taumafaiga faaletagata, ia usitaia ni tulafono ma ni āiaiga. Ae o le ala ua faaoga e le Agaga Paia e faatupu ai tatou ia avea ma tagata matua ia Keriso. O le faugāsoo lea e aliali ai i o tatou olaga uiga vaaia o le Kerisiano. O le sini fia ausia lea o le faugāsoo ia felua'iina o tatou olaga ia tatou foliga ia Iesu Keriso (Korinito 3:18).

D. O aoga faakerisiano maualuluga o le tatou Tala'iga

Ua avea ma ō tatou fatuaigatausi le fai o aoga faakerisiano, e aotau ai tamaitai ma alii mo le tautua faakerisiano. I totonu o seminālio, kolisi faatusipaia, kolisi, ma iunivesite, ua gafa i tatou ma le sailigā atamai, atina'e o uiga vaaia o le Kerisiano, ma le faaa'upega o taitai e faatinoa lo tatou valaau mai le Atua tatou te faia le tautua i totonu o le Ekalesia ma le lalolagi atoa.

O le pale fuiono lea o le mautausi a le Ekalesia Nasareta, o aoga maualuluga faakerisiano. O uluai tausaga o le Ekalesia Nasareta, na faatutū ai aoga maualuluga faakerisiano mo le aotauina o tamaitai ma alii o le Atua mo le taitaiga ma le tautua faakerisiano i le faasalalauina i le kelope o le faaolaagaga a le Amiopa'ia-Faaueselē. O lo tatou tumau pea i le tausiga o aoga maualuluga faakerisiano i le tele o tausaga, ua soofaatasi ai seminalio, Aoga Faaletusipaia, kolisi, ma iunivesite i le lalolagi atoa.

O LA TATOU MAU TAUSI

O le mautausi a le Ekalesia Nasareta ia fausia i nuu uma soo e uiga faatasi ma Keriso.

I le avea ai ma fuinuu faakolope o le faatuatua, ua avea ma ō tatou fatuaiga tausī le Poloaiga Sili na tuuina mai e Iesu (Mataio 28:19-20). O lona uiga, tatou te momoli atu i tagata uma i so'o se mea le Talalelei o le olaga fou ia Keriso Iesu. Tatou te faasalalau atu le savāli o le amiopā'ia faatusipaia – o le olaga foliga Keriso – i soo se nofoaga o le lalolagi.

Ua faatasia e le Ekalesia Nasareta tagata taitoatasi uma o ē ua fai Iesu Keriso ma Alii i ō latou olaga. Ua tatou faatasi i mafutaga faakerisiano, ma ua tatou loto ia fefaamalosia'i o le tasi i le tasi i le faatuatua e ala i tapuaiga, folafolaina o le Upu, a'otauina o le aufaigaluega, ma le tautua faatino mo isi.

E ō faatasi ai ma lō tatou maelegā i le olaga foliga Keriso, ua viliilita'i foi i tatou e faaali atu i tagata uma le valevālealofa o Iesu Keriso.

A'o tumati'e i le faamoemoe o le Ekalesia le ola tapuai i le Atua, ua valaauina foi i tatou e avea ma ē ua faafafine-toaga i lana savāli – ia toe faaleleia le lalolagi ia te ia.

E aofia i'i measina uma lava na tuufaasolo mai o lā tatou mautausi: faaevagealia, faapaiaina, faasooina, ma le valevālealofa. Ua aofaatasia nei mea uma i le upu e tasi: TusamaKeriso – o le fatu o le amiopāia.

Ua avea tagata Nasareta uma ma savāli auina – ua auina atu i aiga, fale faigaluega, fuinuu uma, ma nuu eseese atoa ma aai ma atunuu uma. O lea ua auina atu misionare i itulagi eseese o le lalolagi.

O lo'o faaauau pea ona valaau o le Atua i tagata lē taualoa latou te faatino mea maoa'e ua mafai ona fai i le taitaiga a le peresona o le Agaga Paia.





O Ā TATOU MAMANU'ULA FAANASARETA

○ le Fono Aoao i le 2013, na talā ai e le Taiulu a Taitai Aoao mamanu'ula e fitu a le Ekalesia Nasareta:

- Tapuaiga Anoa
- Ōpoga Faamataupu silisili
- Faaevagelia Tiliola
- Faugāsoo Fuafualelei
- Atina'e Ekalesia
- Taitaiga Feliua'iolaga
- Valevalealofa Fūafūa

E le suia e nei mea le mautausi – “ia fausia i nuu uma soo e tusa ma Keriso” – e le suia foi pelēga aupitoaluga – “Kerisiano, amiopa'ia, ma le faatala'i.” Ae latou te faailo ula ua tatou taofi e ao ona mamanu ai Ekalesia Nasareta uma, ma i le vaaiga lautele, e ao ona iloa ai Nasareta uma i soo se nofoaga. Matou te augani atu i taitai uma o ekalesia ia latou faamamafa, augani foi i tagata uma ia avea i latou ma faataitaiga o nei mamanu'ula a'o tatou folau agai i luma. Omaia, inā tatou saili, pe faapefea, i le agai i luma, ona avea nei miti ma mea e mafai ona faatino mo le ekalesia faakolope atoa.

Tapuaiga Anoa 1

○ le Valaau ia Tapuai

Ō mai ia, tatou pepese ona o le olioli i le ALII; ia tatou alalaga i le Papa o lo tatou olataga.
Ia tatou ō atu i ona luma ma le faafetai ma vivii atu ia te ia i musika ma pese.

Auā o le ALII o le Atua sili lea, o le Tupu tele lava o ia e sili i atua uma lava.

○ lo'o i lona aao o mea loloto o le lalolagi, o tumutumu foi o mauga o ana mea ia.

E ona le sami, aua na faia lava e ia, na faia foi le laueleele e ona aao.

Ō mai ia, ia tatou ifo tapuai, ia tatou tootutuli i luma o le ALII o lē na faia i tatou;
auā o lo tatou Atua lava ia, o i tatou foi o le nuu ua fagaina e ia, ma le lafu mamoe o i lona aao.

—Salamo 95: 1-7a

Tatou te ono tautala ma le mautinoa, o le tapuai atu i le Atua, o lo tatou aloa'ia lea o Ia o le Papa o lo tatou olataga, o le Atua sili lea, o le Tupu tumati'e e maua luga i atua uma, o Lē na faia mea uma lava, o le Leoleo mamoe foi na te tausimalu i ona tagata.

- A. E māfana le mafutaga a lesu ma ona soo i aso uma, ua afua ai ona latou auauna atu i isi.
- Na auina e lesu ona soo latou te auauna atu i tagata o le lalolagi (Mataio 10).
 - Mulimuli ane, na manaonia ona faatumuina o i latou e le Agaga Paia. Na latou faatali i le afeafe aupitoaluga, ona afio ifo lea o le Agaga Paia e pei ona folafola e lesu (Galuega 2).
 - O le amataga o le galuega a le au soo i le lalolagi, na avea ai i latou ma savāli a le Atua.
 - Na latou momoli le savāli ia toe faalelei le mafutaga ma le tala'iga o lea lava toe faalelei (2 Korinito 5:11-21).
 - Fai mai Paulo, “O savāli i matou a Keriso, peiseai o lo'o fetalai le Atua e ala atu ia i matou. E fai ai i matou ma sui o Keriso, e augani atu: Ina toe lelei outou ma le Atua. O Lē na leai se agasala, na faia e le Atua o ia ma agasala, ina ia tatou oo ai i le amiotonu a le Atua i totonu ia te ia” (2 Korinito 5:20-21).
- B. Na lu'itauina e lesu ona soo i le Poloaga Sili.
- “O lenei, ina ō atu ia outou e fai nuu uma lava ma soo, papatiso atu ia i latou i le suafa o le Tamā ma le Alo ma le Agaga Paia, ma aoao iā i latou ia usitai i mea uma ua ou faatonuina ai outou. Ma e moni lava, ou te ia te outou e le aunoa, e oo lava i le faaiuga o aso” (Mataio 28:19-20).
 - Na amata e le uluai ekalesia ona faatino lenei poloaga i le lalolagi ina ua maea le tapuaiga *anoa* na latou auai i Anetioka (Galuega 13:1-4).
- C. E tupu le *tapuaiga anoa* ina ua tatou faatino faaolatotoga a le Agaga Paia e pei o le anapogi ma le tatalo.
- Ua auina atu i latou e le Agaga Paia ia faaola i nisi ma ia autasi i le faatuatuaga ua ia i latou.
 - Na tupu lenei mea i le siomaga o le tapuaiga.
 - E faaolatotoga le tapuaiga ia i tatou, na te tuusaoloto foi le mana o le Atua i o tatou olaga.
 - O le tapuaiga e limataitai ai o tatou olaga i le olaga o Keriso. O le faaolatotoga faaleagaga taua lea mo le au faatuatua uma, ua faaaogaina e le Atua e limateu ai i tatou i le faatusa paia o lesu.
 - E tatau ona avea le tapuaiga faitoatasi ma le tapuaiga faitoatele o mea faatino e ao ona matua tausisia i o tatou olaga.
- D. O le *Tapuaiga anoa* e matala ai le avanoa mo le Atua i totonu o le auaunaga faitele e limataitai ai tatou i le mea e finagalo i ai o ia.
- E le'i faia e le uluai ekalesia ni komiti po'o ni seminā e faatinoina ai ana galuega.
 - Peitai, na latou potopoto soo i fuinuu e tapuai, ae tatala le Atua e fai lona finagalo i le potopotoga.
 - E tatau ona augofie i tatou e taofi a tatou fuafuaga ae tuu le avanoa i le Atua e faamaea ai ana fuafuaga ia tatou potopotoga.
- E. E maua i le *Tapuaiga anoa* le avanoa o le Atua e galue saoloto ai, ae mata'itū i tatou mo se mea e maua mai ia te ia.
- E ao ona tatou tuuavanoa i le Atua, ia faaalua o ia, ma faamaonia o ia i ona tagata, gaioi i loto, pa'i, faaola, ma faapaia iā i latou e tusa ma lona finagalo i taimi ua tatau ai ia te ia.

- E ao ona tatou ulufale i soo se tapuaiga ma le agaga galala i le mafuta mai o le Atua i le potopotoga na te matua galue i o tatou olaga.
- E tatau ona sagisagi o tatou loto e gaii le Atua i ala matilatila, e faatino mea na o le Atua na te mafai, a'o potopoto i tatou e tapuai i tapuaiga masani. E le tatau ona tuu malie o tatou loto i faiga masani o potopotoga.

F. E tatau ona potopoto faavaiaio le fanau a le Atua ina ia mafai ona fafagaina i latou i le malosi mai le Agaga Paia.

- E leai se mea e mafai ona suia le agaga o le tagata ua maea fafagaina i le malosi mai le Agaga Paia o le Atua.
- O le Tapuaiga anoa faitoatele, o le taimi sili lea e tupu ai le mea lenei.

2. Ōpoga Faamataupu silisili

A. E tatau ona faaleo lo tatou leo faanasareta i totonu o le lotoifale o le ekalesia Kerisiano aoao.

- E faaleoina ai lo tatou faasinomaga faamataupu silisili.
- O le faasinomaga lea ua tatou faaeaea i ai, ua faolatotoga mai i lo tatou olaga tautua, ma pule faatonu mai i le olaga e ao ona tatou ola ai i aso fai soo.

B. O alavai nei ua avea ma punā'oa mo le ōpoga faamataupu silisili.

- O le Tusipaia: Ua taofi i tatou o tusi uma lava o le Tusi Paia, o le faavae ma le faamalosia i le fausiaina o lo tatou faasinomaga ia Keriso.
- O Tumaāga faakerisiano: Ua avea tumaāga faakerisiano eseese ma ala tatou te patipatī ai aoaoga tonu na tuufaasolo mai le 2,000 tausaga o le Ekalesia.
- O le Malosi Faalemafaufau: Ua taofi i tatou o le Agaga o le Atua o lo'o gaii i o tatou malosiaga faalemafaufau ma na foai mai iā i tatou mafaufau e au le vaai i mea loloto.
- O le Olaga suia: Ua tatou taofi o lo'o galue mai le Atua i totonu ia i tatou, galue mai foi e ala i olaga o tagata taitoatasi o lo'o mulimulita'i ia Keriso.

C. O taofi nei ua tatou maua ai le ōpoga faamataupu silisili.

- O tatou o Kerisiano.
- o Ua tatou sapai faaeaea i lo tatou faatuatuaga i le Atua Tolutasi – Tamā, Alo, ma Agaga Paia.



Nossas fontes de coerência teológica

- o Ua tatou sapai faaeaea i lo tatou faatuatuaga ia lesu Keriso le Alo o le Atua.
- o Ua tatou sapai faaeaea ia Keriso o le peresona lua o le Tolutasi.
- o Ua tatou tausia mau-aloa'ia ma tumaāga a le Ekalesia Kerisiano.
- ○ tatou o Polotesano.
 - o Ua tatou taofi i le ta'uamiotonuina mai le alofatunoa ina ua faatuatua e faaolaina ai.
 - o Ua faatu maualuga ia i tatou le pulefaatonu a le Tusi Paia.
 - o Ua talitonu i tatou i le tulaga faaositaulaga o tagata faatuatua uma.
 - o Ua tatou faaeaea i le lauga e fai ma tumutumu o le tapuaiga ma faatulaga le pulelaa i le moa o le talaluma o le fale tapuai.
 - o Ua tatou talitonu ua polo faasoasoa e le Agaga Paia ana meaalofo i le au paia uma i le tino o Keriso.
- ○ tatou o Faievagelia.
 - o Ua tatou talitonu i le avanoa ua tatala ma ua alagatatau e mafuta ai le tagata ma lesu Keriso e ala i le faamagaloina o agasala ma le feliiua'iina o le olaga i le faatusa o Keriso.
 - o Ua tatou talitonu i le olaga suia o le molimau lea o lo tatou faatuatuaga.
- ○ tatou o Ueseliana.
 - o Ua talitonu i tatou i le natura sili o le Atua o lo'o fausia ai mataupu silisili uma —“○ le Atua o le alofa” (1 Ioane 4:8).
 - o Ua tatou talitonu e faagaioi e tagata uma le filifiliga saoloto ina ia maua ai le mafutaga anoa ma le Atua.
 - o Ua talitonu i tatou e faagaioi mai e le Atua le alofatunoa ma le alofa mutimutivale i tagata uma lava.
 - o Ua talitonu i tatou i le muāalofo o le Atua e muā'au i le tagata, e vāovāo i le tagata mai le see atu i le loloto o le agasala, ma tauamō le tagata ia liliu i le Atua.
 - o Ua tatou talitonu o le Atua o lo'o saili, togi'aitalafu, lavea'i, faapaia, ma o lo'o lava foi le alofatunoa o lo'o galulue ma le tagata ia fai ma fanau fausia a le Atua ma ia tului pea ona manumalo i le folauga o lona olaga faakerisiano.
 - o Ua tatou talitonu e mafai e le alofatunoa ona faaumatia le mana o le agasala i le olaga o le tagata ma feliiua'i lona olaga mai le tagata agasala ia avea ma tamafai a le Atua ua usitai ma le loto i le Alii i le agaga o le alofa.
 - o ○ le amiopaia ma le faapaiaina o mea e mafai ona tutupu i le olaga lenei.
- Ua tatou talitonu i le molimau a le Agaga.
 - o Ua tatou taofi i le mautinoa ā'iā'i, na te faailoa i le tagata, ua faamagalalo e le Atua ana agasala, ma faailoa pea ia te ia le faaauau ona sausuina e le toto o lesu Keriso o agasala ua mavae ma faaofu ia te ia i le manumalo i aso taitasi.

- o Ua tatou talitonu i le taitaiga a le Agaga ua ia tuu atu le tagata i le taitaiga a le Atua e limataitai ai ana faiga filifiliga o le olaga. E mafai e le Agaga o le Atua ona taitai Lana fanau e ala i faaolatotoga ma tofotofoga e maua ai le taiala mo le olaga folau.

D. Ua tatou talitonu e fa vaega taua o le olaga paia:

- Tusamakeriso—olaga feliiua'ina i aso faisoo i le faatusa o Iesu e ala i le galuega a le Agaga Paia a'o tatala o tatou tagata i le galuega a le Atua i totonu ia i tatou. "O lenei, afai e maua se faamalosi mai le autasi ia Keriso, afai e i ai se faamafanafana mai lona alofa, afai e ono fefaasoa'i uma i totonu o le Agaga, a i ai foi se agalelei ma se valevalealofa, inā faaatoatoa maia lo'u olioli i le tasi o lo outou manatu, tasi le alofa ua ia te outou, tasi outou i le agaga, tasi foi i le mafaufau" (Filipi 2:1).
- Olaga-o-aso-uma—ua maea vavaeese i tatou mo faamoemoega paia ia faatino le galuega a le Atua i le lalolagi. "O la'u tatalo ia lē aveeseina i latou mai le lalolagi a ia e puipui ia i latou mai lē o leaga. E le o ni o le lalolagi i latou, e pei foi o a'u e le o sō le lalolagi. Faapaia ia i latou i le meamoni; o lau upu o le meamoni lava lea" (Ioane 17:15-17).
- Faaosoosoga ma le Mana e Filifili ai — ua iā i tatou le mana e lē toilalo ai i tuinanau po'o manao o le tino po'o lē o leaga, ae o le mana mai le Atua e ola ai i le olaga paia. "Ou te tatalo ia suluina o outou mata faaleagaga e iloa ai le faamoemoe ua ia valaauina ai outou, le tamaoaiga o lona tofi mamalu mo ona tagata paia, atoa ma lona mana sili e lē mafaatusaina mo i tatou ua faatuatua. O le mana lea, e pei o le malosi matautia na ia faaaga e toe faatū ai Keriso mai le oti ma faanofo ia te Ia i lona itū taumatau i malo i le lagi" (Efeso 1:18-20).
- Fua o le Agaga—o le alofa ua atoatoa o le Atua ua faaalitoina i le alofa, olioli, onosai, agalelei, amiosolia, faamaoni, ma le amiopulea. "E leai se fefe i le alofa. Peitai, o le alofa ua atoatoa na te faate'aeseina le fefe, aua o le fefe e fitoitonu i le faasalaga. O le tagata ua fefe e le'i faaatoatoaina o ia i le alofa" (1 Ioane 4:18).

E. Ua tatou via mētia – tausisi i mau paleni e vaoia ai le finauvale. Tatou te 'alofia le soona fālō o taofi i mataupu e ono fefinaua'i ai. Tatou te ama i taofi soona fālō, ae matau, pe a faigofie, i le faapaleni lelei o taofi ma aoaoga, e tausisia ai le tautū i le moa o le ala.

3. Faaevagelia Tiliola

O le *Faaevagelia tiliola* o la tatou tali atu lea i le alofa o Iesu ma le alofatunoa mo tagata ola uma. Na amata le Ekalesia Nasareta i le faaevagelia tiliola. Ua avea pea lea ma fatu o lo tatou faasinomaga. Na ta'ua e Fineaso Bresee, le uluai taitai aoao o le Ekalesia Nasareta, i lana lu'itau, ia tatou faaevagelia, "O le fatuaiga tausi lea, ia tatou avatu i tagata le Talalelei, e fua i le ala na tatou maua mai ai." Ua tatou matua fuli atoa ai e fesoasoani i tagata uma ia latou maua le faatuatua lavea'i ia Iesu Keriso.

A. O Iesu lava le faataitaiga o le *Faaevagelia tiliola*:

- "Ina ua silasila atu o ia i le motu o tagata, ona mutimutivale ai lea o lona alofa ia i latou, aua ua fetosoa'ina ma ua leai so latou lavea'i, ua pei o mamoe ua leai se leoleo mamoe. Ona fetalai atu lea o ia i ona soo, 'Ua tetele le seleselega a ua toaitiiti le aufaigaluega. O lenei, inā ole atu ia i le Alii o le seleselega, ia auina atu le aufaigaluega i lona fanua ua i ai le seleselega'" (Mataio 9:36-38).

- Ua fetalai atu lesu, “E lē ua ia te outou ea le muāgagana, ‘Toe fa masina ona oo lea i le seleselega’? Ou te fai atu ia te outou, inā pupula ia ō outou mata ma vaai atu i fanua! Ua sinasina mo le seleselega.” (Ioane 4:35).
- B. Na faatonuina e lesu le *Faaevagelia tiliola*:
- “Ua fetalai atu o ia iā te i latou, ‘Inā o atu ia i le lalolagi uma ma tala’i atu le tala lelei i mea uma na faia” (Mareko 16:15).
 - Na ia ta’u atu iā i latou, “O le mea lenei na tusia: E sauāina le Mesia ma toe faatuina mai le oti i le aso tolu, e tala’ina foi le salamō mo le faamagaloina o agasala i malo uma, e amata i Ierusalema (Luka 24:46-47).
- C. O lesu na tatalaina le *Faaevagelia tiliola*:
- “E tala’ina foi lenei talalelei o le malo i le lalolagi atoa e fai ma molimau i malo uma, ona faatoa oo mai ai lea o le iuga” (Mataio 24:14).
 - E sau le gaoi e gaoi, fasioti, ma faaumatia; na ou sau ia latou maua le ola, ma ia latou maua le atoatoa o le ola” (Ioane 10:10).
- D. O le *Faaevagelia tiliola* e faaolōatāūa e le Agaga Paia:
- Ua ia faaolōatāūa i tatou taitoatasi ma le potopotoga ia tatou ola ma molimau i le amiopaia.
 - “Ae maua e outou le mana pe a afio ifo le Agaga Paia i luga ia te outou; ona avea ai lea o outou ma a’u molimau i Ierusalema, ma totonu o Iutia ma Samaria, e oo atu i tulu’iga o le lalolagi” (Galuega 1:8).
- E. O le Agaga Paia na te faia le *Faaevagelia tiliola*:
- E aliali faamaoniga e iloa ai lona afio i totonu ia i tatou, e aliali foi suiga i o tatou olaga.
 - “A’o le fua o le Agaga o le alofa, olioli, onosai, agalelei, amiolelei, faamaoni, amiosolia ma le amiopulea. E leai se tulafono e tetee i nei mea. O i latou uma ua iā lesu Keriso ua latou faasatauro le natura agasala ma ona tuinanau ma ona moomooga. Ona o lea ua tatou ola i le Agaga, inā tatou mulimulita’i ia i le Agaga” (Kalatia 5:22–23).
- F. E maua mai le *Faaevagelia tiliola* le ola fou ma le malosia fou mo le tagata ma le ekalesia.
- O lenei, afai ua iā Keriso se tasi, ua oo mai le tagata fou: ua mavae le tagata tuai, ua oo mai le tagata fou! (2 Korinito 5:17).
 - Ma ua faaopopo e le Alii i lo latou potopotoga i aso uma o e ua faaolaina (Galuega 2:47b).
- G. O le *Faaevagelia tiliola* o le faaaliga o lo tatou usitai ia lesu:
- O le olaga o Paulo, o le tasi lea molimau lē-finauina o le mana feliu’a olaga o le talalelei.
 - I se tasi o ana tautinoga, na faapea ai le aposetolo, “O la’u fatuaigatausi lea, o Eleni ma tagata e lē o ni Eleni, o le au popoto atoa ma e valea. Fua lea o lo’u maelega e tala’i le talalelei ... aua ou te lē ma i le talalelei, aua o le mana lea o le Atua na te aumai le faaolataga i so’o se tagata e faatuatua” (Roma 1:14-16).
- H. O le agaga-galala mo Keriso o lo tatou faitotoa lea i le Poloaiga Sili (Mataio 28:19-20)—e mulimuli mai iā tatou galuega ā’otau ma ā tatou galuegafaa’aupega:
- O le fua vaaia lea, e ao ona iloa e tagata uma lesu Keriso.

- O le maliega lea, o tagata uma, e aofia ai e ua faamativaina i tomai eseese ma metotia, e ao ona tali atu ma le agaga-galala mo Keriso ma matua vilivilita'i e tala'i atu o Ia i tagata uma.
- I. Ua valaauina i tatou e le *Faaevagelia tiliola*, ia tatou faalagolago i le mana o le Upu a le Atua na te una'ina i tatou e faasoa atu i isi le talalelei o le faaolataga:
- Tatou te susesue i le faatuatua le Tusipaia; ma tatou avatu i isi le feau mai le Upu a le Atua.
 - E tautala le mana o le feau o le talalelei i agaga o alii ma tamaitai, tama ma teine, o lo'o manaomia le toe lalaga o ā latou mafutaga ma le Atua.
 - Ua tuuina mai e Iesu le faataitaiga. "Aua ua sau le Atalii o le Tagata e saili ma faaola i le na leiloa" (Luka 19:10). "A'o aoao atu Iesu i tagata i malae o le malumalu ma lauga atu le talalelei" (Luka 20:1).
- J. E limataitai i tatou e le *Faaevagelia tiliola* ia tatou iloa Keriso ma ia faaatoatoaina lo tatou iloa:
- Na te momoli lo tatou faasinomaga, o lo tatou olaga lea o aso uma. Ua faaititia ai lo tatou galala i mea o le olaga nei, ae faatele lo tatou galala mo le faaevagelia. A filifili i tatou e fia ola, o le tatou filifiliga lava lea ia fia faaevagelia.
 - Ua na faamaonia mea ua tatou iloa. E pei ona tautino o le tauaso na faamalolo e Iesu, "E tasi le mea ua ou iloa. Na ou tauaso, ae o lenei ua ou pupula!" (Ioane 9:25).
 - Na te tofotofo le moni o lo tatou mitamitaga i le matupalapala to'ina mo i tatou. "Ua tatou maua e aunoa ma se totogi, tatou te avatu foi e aunoa ma se totogi" (Mataio 10:8b).
- K. E faaolatotoga mai le *Faaevagelia tiliola* ia tatou fausoo:
- I le folauga o le olaga, tatou te gaioi ia aafia olaga o tagata tatou te masani ma ē tatou te lē masani a'o tatou faasoa atu foliga ma uiga o la tatou savaliga o le faatuatua.
 - E tatau i soo uma o Keriso ona aliali le agaga-galala i lana mafutaga ma le Atua, ia solo lelei ai lana tautinoga i lona olaga feliiua'ina pe a faasoa ma isi i taimi o talanoaga.
- L. E faaosofia e le *Faaevagelia tiliola* lo tatou fiafia e faufau mea fou:
- Meafaigaluega o lo'o faaoga—Faataitaiga laiti: *JESUS* Film, Evangebali, Evangebucube.
 - Metotia—E lasi metotia, ae tasi lava le feau.
 - Alafaumea—Faaevagelia faitoatele, faaevagelia faa'aumea faitoatasi, kulupu laiti, faaevagelia i aai, ma isi ituaiga e tele.

4. Faugāsoo Fuafualelei

- A. Na valaauina e Iesu le ekalesia ia fuafualelei le faūga o soo.
- "O lenei, ia outou o atu ma fai nuu uma lava ma soo, papatiso atu ia i latou i le suafa o le Tamā ma le Alo ma le Agaga Paia, ma ia aoao ia te i latou ia usitai i mea uma ua ou fai atu ai ia te outou. E moni, ou te iā te outou i aso uma lava, seia oo i le iuga" (Mataio 28:19-20).
 - Ua i lima o le ekalesia le metotia fuafualelei mo le fausia o soo ia tusa ma Keriso.
 - O soo ua tusa ma Keriso o tagata ua mau ia Keriso, ua ola e tusa ma Keriso ua nutimea foi faatasi ma ia. Ua latou faafitia o latou manao, ae ua alolofa ma usitai atu i le Atua i le agaga atoa, loto atoa, mafaufau atoa, ma le malosi atoa (Mareko 12:30, Ioane 15, Luka 9).
 - O le faugasoo faavatausi fuafualelei, o le fesoasoani lea i tagata, ia atina'e a latou mafutaga valalata ma Iesu e fausia i le usitai. O mafutaga nei, e feliiua'ina ai le tagata moni e le Agaga o

Keriso, ia faapei Keriso – suia ai pelēga tuai a lē faatoa faatuatua i pelēga o le malo, ma paaga ai ma le Alii i lana savāli, o le ofoina atu lea o le ola, e auauna ai mo isi, e aofia ai aiga, ekalesia, ma le lalolagi.

B. Tatou te muai taitai tagata uma, ia taitoatasi ma faasaga e tausi le mafutaga ma lesu Keriso.

- E amata le savaliga o le faatuatua i le ta'uta'u o agasala ma le faamagaloga a le alofatunoa e ala i le faatuatua ia lesu Keriso.
- O tagata fou nei ua ia Keriso, ua toefuata'ina ma ua vaetamaina i le aiga o le Atua.
- A toefuata'ina, ua suia le agaga, sui foi le olaga e ola ai, ua iā i latou le molimau o le alofatunoa o le Atua, latou te tala'i atu ai i ē latou te iloa ma masani ai.
- Tatou te vave faafailele i fuinuu o le faatuatua, ē ua faatoa faaolaina, ia vave iloa i le amataga, e le faapito iā i latou lo latou faaolataga, ae aofia ai ma ē latou te mafai ona taitai mai ia Keriso. E avea i latou ma ē fausoo, e fauina isi soo, e avea ma fausoo mo isi.
- O le faugāsoo lea, e lagolago malosi i le au soo, ia latou mulimuli faalatalata ia lesu.

C. O le tautua malosi a le puleaa, o le faiga lea ua atina'e fuafualelei ai a tatou soo ia pei o Keriso.

- E faatonufoiau lauga a tatou faifeau i le faatupuina o lo tatou faatuatua ia Keriso.
- E faavae lauga uma a faifeau i le Tusipaia. O lauga ia e faafailele ai olaga o soo, ia tutupu olaga ma tuutuu loloto lo latou naunau i le Upu a le Atua.
- Ua tasi o tatou faifeau e avea le Upu a le Atua ma faavae o taumafaiga uma o faugāsoo.
- Ua aoaoina e a tatou faifeau o latou tagata ia iloa sutesue le Tusi Paia ma manatunatu i le uiga o le Upu atoa ma le iloa lelei ona faaaga o le Upu i o latou olaga.
- Ua tapena a tatou faifeau le meaai faaleagaga paleni lelei i a latou lauga i le tausaga atoa.
- E faalagolago a tatou faifeau i le Agaga Paia o le Atua na te faamūsaesae mea uma latou te faia ina ia autasi ia mea i se faiga paleni lelei e fausia ai soo tusamakeriso.
- Na lauga lesu i le motu o tagata ma faaeteete ona aoao ona soo i totonu o kulupu laiti.
- Na faaaga e lesu faataoto e fesoasoani ai i tagata i latou malamalama (Mareko 4:34).

D. Ua tatou faaaga vasega o Aoga Asosā e faafailelei ma faatupu ai soo tusamakeriso.

- E aoao e ā tatou faiaoga Asosā lesona e agaitonu i le fausia o soo tusamakeriso e ala i le faamatala o le Upu atoa ma le faamatala o faiga e faaaga ai le Upu i le olaga.
- A uma vasega, e tuliloa pea e ā tatou faiaoga tupulaga laiti o le faatuatua, e tali ni a latou fesili e uiga i le faatuatua faakerisiano ma faalototele ia latou ola i le alofatunoa o le Atua.
- O le taotoga o la tatou Aoga Asosā, ua faapolokalame lava mai tamaiti e oo atu i le 'au lauao sinasina; ua faataoto ai le aotelega ma le faasologa o mataupu e aoao ai le Tusi Paia atoa i ala faatulaga lelei. “Aoao le tama e tusa ma ona ala a'o laititi, a oo ina matua e le toe te'a ese ai lava” (Faataoto 22:6).

E. Ua atina'e a tatou aoga Tusi Paia i kulupu laiti e faamalosi ai le ola faatauagai o soo.

- E faatino i aoga Tusi Paia i kulupu laiti le faatauagai e fai toatele ma fai ta'i toalua, e aoga mo ē faatoa faaolaina, e aoga foi i ē ua loa ona i le faaolataga.

- O totonu o kulupu laiti, e amata ai mafutaga lelei, lē-āuma'ia, ona mafuta faaaauu lea i fafo atu o mafutaga, e saga osiosi ai faigauo, seia avea ma masani, ona ola tumau ai loa lea.
 - O kulupu, e aoao ai le Tusi Paia ma feiloai faamasani ai tagata, o mea taua e aoga mo le olaga faatupuina i le alofatunoa.
 - E agai ina avea faugasoo i kulupu laiti ma tautua lagolagosua malosi mo le olaga ola faatasi o tagata uma i fafo atu o tapuaiga o Aso Sā.
- F. Ua faasolo lelei fuafuaga a le ekalesia e faaea ai le tupu faaleagaga o le soo tusamakeriso.
- Polokalame Fesili ma Tali o le Tusi Paia.
 - Caravan a Tamaiti.
 - Aoga Tusi Paia i Aso Malolo mo Tamaiti.
 - Faaevagelia o le Kerisimasi ma le Eseta.
 - Taumafaiga a le Tautua Valevalealofa.
 - Taumafaiga mo faugasoo mo isi.
 - Galuega mo alii, tamaitai, lauao sinasina, nofotoatasi, manaoga faapitoa, au taaalo, ma le lasilasi o isi ituaiga kulupu eseese ua faamalosī'au ia fesoasoani i tagata ia latou faatumati'e le mafutaga ma Keriso atoa ma Lana ekalesia.
- G. E aoiu atu i le au paia ia faaaoga fesoasoani ua maua e faatupu ma atina'e ai lo latou faatuatua.
- Faaaoga fesoasoani ua maua pe a faitau lau Tusipaia; faalogologo i pu'eleo o le Tusipaia.
 - Tatalo e le aunoa i aso uma.
 - Faalogologo i pesega ma musika faakerisiano.
 - Faitau tusitusiga faakerisiano.
 - Saili sau paga lua te faatauagai e tatalo mo oe i aso uma ia tusa oe ma Keriso.
 - Saili sau paga lua te faatauagai e alofa moni ia te oe ua le 'alo ai e fesiligia oe i mea faigatā.
 - Faamasani ona e talatalanoa i isi tagata e uiga i mea o lo'o faia e le Atua i lou olaga.
- H. Matou te faalototele atu i le au paia ia faamasani ona latou mafuta saili i le Atua i aso uma.
- O le auala sili tatou te faamatala ai le olaga Kerisiano, o le faamautu lelei lea o le mafutaga lalata a le tagata ma lo tatou Alii ma le Faaola, o Iesu Keriso.
 - O soo e fau fuafua lelei, e sili ona tutupu i le faatusa o Keriso a'o mafuta ai ma le Alii.
 - O le mea lea, ua tatou saili ai i aso uma fia faalogo i le leo o Keriso; ua tatou aai i aso uma i Lana Upu; ua tatou sapi foi i aso uma i lona faatasi paia mai.
 - O soo tusamakeriso ua fuafua lelei ona saili atu ia te la ma ua tapena foi e faasoa atu o la i ē ua aafia o latou olaga i la latou molimau.
- I. Matou te faalototele atu i le au soo ia fuafua lelei ona latou fausia isi soo
- Ua poloaiina i tatou e le Alii ma aumai le faatagana e fausia ai isi soo (Mataio 28:19-20).
 - E ole atu i le Kerisiano matua ia fuafua lelei ona fausoo ma taiala o tatou tagata.
 - E ole atu i vaega eseese o tagata faatuatua, ia agai e mafuta iā tatou kulupu fausoo.

- Ua faaalu le tele o lo matou olaga i le fauina o soo nei, a’o tatou agai faatasi i le Alii.
- Faaaoga tala e momoli ai le aoaoga o le Upu a le Atua i Kulupu laiti, o le faavae faatusipaia malosi lea, e mafai ai e soo ona iloa le Tusipaia, ma faafaigofie ai ona latou avatu le feau i e latou te masani.
- O le tatalo, o le Upu a le Atua, ma le *fuafua lelei* ona fesoasoani o le tasi i le tasi ia foliga uma ia lesu, o le mamauina lea o le faugasoo ua lauusi i totonu o le ekalesia.

5. Atina’e Ekalesia

- A. Na amata le ekalesia Kerisiano ia lesu o Lē na totōina le uluai fuinuu o le faatuatua.
- Na le aunoa ona falē o le fuinuu o le faatuatua e tapuai i le Atua.
 - Ona amata ai lea ona tupu ma faaopoopoina le aupai, a’o faasolo faatutū mai ekalesia fou na maua i le uluai malaga faamisionare a Paulo ma Panapa (Galuega 13-14).
- B. Na sii le malaga faamisionare lona-lua a Paulo, ma le sini ia faatutū nisi ekalesia, peitai na faasino o ia e le Agaga Paia e fāliu atu i le isi itulagi (Galuega 16).
- Ia lē aunoa, ma ia tatau, ona tatou fai mea faatali i faaaliga fou mai le Atua mo Lana galuega ma ia limataitaiina lava i tatou e Lona Agaga Paia.
 - Na iloa e Paulo le faaaliga. E le’i sau mai nisi tagata po’o se sailiga faafuinuu. Na sau lava mai le finagalo o le Atua. Ia faapea foi a tatou miti mo le faatutūina o ekalesia fou, ia sau lava mai le finagalo o le Atua.
 - Na iloa e Paulo le faaaliga o le tagata. E le o se faaaliga o se atafāumea, se alafāumea, se muagagana, se solōsiata, po’o se polokalame. Na agaitonu le faaaliga ia Paulo i tagata sē. E tatau iā tatou miti mo le faatutūina o ekalesia fou ona manino le faamoemoe mo tagata ua sē o lo’o manaomia ona ulufale i le mafutaga ma lesu Keriso.
 - O le faaaliga na iloa e Paulo, o le tagata mai Maketonia. O le tagata, na iloa manino lona nuu, aganuu, gagana, ma lona talafaasolo. E aumai e le Atua iā i tatou le faaaliga mo le ituaiga tagata po’o le ituaiga fuinuu. Tatou te manaomia ona matua saili, ia maua le faaaliga tonu, ma ia tatou usitaia foi lea faaaliga a le Atua mo i tatou.
 - Na iloa e Paulo le faaaliga o le tagata mai Maketonia o lo’o tula’i. E lē faatauva le tagata lea ia Paulo. Ua fua tutusa lava i tatou ma ē ua sē. E tatau ona tatou ava ma faaaloalogia soo se tagata ua fou agai i ai la tatou talaiga.
 - Na iloa e Paulo le faaaliga o le tagata mai Maketonia o lo’o tula’i ma valaau, “Agai maia iinei ua matou manaomia le fesoasoani!” O le faaaliga lea, e limataitai ai tatou. Ua tatau ona tatou savāli i o tatou aai ma faoa aai, tuaoi ma fuaifale, ituaiga ma aiga. Ua tatau ona tatou masii nei loa, tatou savāli e momoli Keriso i lo tatou lalolagi o lo’o faatalitali mai.
- C. O le faaaliga mai le Atua, ua iloa ai, e sau ā le taitaiga mai le lagi, a’o tālatālaina e le Atua ia Paulo le afīfī o ana fuafuaga mo le *atina’e ekalesia*.
- Emo ane le ata, o le tagata Maketonia mai le faaaliga, o le fafine. O Litia lava o Filipi, na silimusa ona loto tatala i le avanoa ua tatalaina mo lea galuega taua.
 - Na maua e Paulo i latou na loto tatala i lana tala’iga mai le potopotoga o tamaitai sa fono tatalo i tafa o le auvai.

- E le'i amataina i se sunako le galuega e pei ona faia i ekalesia faatutū ua mavae, na amata lava e Paulo le galuega fou lea i le fale o le aiga.
 - O Litia lava, o le faatau i'e lino taugatā, na taitaia le ekalesia lenei i lona fale.
 - O alafāumea mo atina'e ekalesia, ua ono le toe taulia ai faiga tuai na aogā i aso ua mavae.
- D. E matua tele lava le galuega e manaomia mo le faatutūina o ekalesia.
- Na i'u Paulo ma Sila i le toese ona o ā la taumafaiga mo le galuega. Na le'i manatu ia lavea'ina o la'ua ola. Na la fai pesega i le Atua a'o la mafatia ona o Ia (Galuega 16:25).
 - I nei onapo, o le tau lava lea o lo'o totogi e taitai o ekalesia mo le faatutūina o ekalesia fou. E manaomia le tele o le taimi tatalo, loimatai maligi, galue mamafa, afusisina, tupe, o nisi taimi, e manaomia le toto masaa e amata ai se ekalesia fou.
 - E ui i tigā o Paulo ma Sila, ae na liua ia tigā e fai ma faavae o le ekalesia fou, na faatū i le fale o le Filipi na leoleo i le falepuipui, o le uluai faifeau lea o lona ekalesia.
- E. E tatau ona tatou faatasi ma le Atua, tatou te faamaonia ai le afio o Lona Agaga Paia ia i tatou, e lē noatia ai tatou i lu'itau le 'alofia.
- E le'i manatu Paulo ma Sila ua i'uvale lo la taumafai ona ua sasa ma noatia i la'ua i le toese. Ae na iloa ua iā i la'ua le manumalo mai le Agaga o le Atua, e ui ina ogotia i puapuagā.
 - Na iloa e Paulo ma Sila o lo'o taiala le Agaga o le Atua; na la iloa, e tausia lava i la'ua e Ia.
 - Ua faamanatu mai e le mafui'e na luluina le falepuipui, e le tuulafoa'i le Atua i taimi faigata faapea (Galuega 16:25-26). Na te le faagaloina lava i tatou i taimi e asagatā ai le vaofilifili o le galuega.
 - A tatou usitaia le Alii ma faia lona finagalo, e sau le Atua i lona taimi i lona mana faauliulitō. E lavefau pea Lē o leaga i le faalateleina o le malo o le Atua, ae pule faai'u lava le Atua.
 - Tatou te le fau pe faalatele toatasi foi le malo o le Atua; e fau lava e le Atua lona malo.
- F. Mai le talafaasolo o le ekalesia, e fai ā ma sui ālafāumea a le Atina'e Ekalesia.
- I le uluai 400 tausaga i le talafaasolo o le Kerisiano, e le'i fauina e le ekalesia ni fale tapuai.
 - Mulimuli ane, faatoa faailo mai fale tapuai, meatotino, ma faifeau galulue faataimi-atoa.
 - I le Ekalesia Nasareta, o la tatou lenei faaupuga ua faupu ai le ekalesia: "So'o se kulupu, ua tofia so latou taitai, ma ua mafuta soo mo le areto faaleagaga, tapuaiga, mo ni faatonuga i se taimi ma se nofoaga ua faasilasila, ua latou piitia foi le feau ma le mautausi a le Ekalesia Nasareta, ua ono avea i latou e fai ma ekalesia, ua faamauina i faamaumauga a le itumalo ma le ekalesia aoao (fmai le Laulaufono a Taitai Aoao). I se isi faaupuga, o le ekalesia o le tuufaatasiga o tagata faatuatua, ae lē o se fale tapuai po'o se meatotino.
 - O le Agaga Paia o lo'o taitaiina le ekalesia, ina ia faafanafanauina i auala lasi ma faiga fou.
 - E faamalosī'auloto atu i ekalesia uma ia taitoatasi ma agai e faatū sona soa.
 - E mafai ona mafuta soa nei i fale o aiga po'o nisi foi nofoaga o avanoa.
 - Ia tofia le faifeau ma lona soa faaolioli (o lo'o a'tauina faafaifeau) e faafailele mo le galuega.
 - A faapea ona fai, e le tuli se'i maua ni tupe e amata ai se soa; e mafai ona talia e tagata lotu le valaau a le Atua e fesoasoani ai i le amataina o se ekalesia fou.

- E faataga i lea faiga le Atua, e faatupu Lana ekalesia i nofoaga fou i le lalolagi atoa; ae manaomia e le Atua tagata ua i ai le loto tatala i ana fuafuaga mamao, talia lana valaau, ma faimea faalogo i Lana taitaiga.

G. O le faamoemoe o le *Atina’e Ekalesia* ia oo i tagata uma le Talalelei a Iesu Keriso.

- Na fetalai Iesu, “E tatau ona ou folafola le talalelei o le malo o le Atua i isi foi aai, aua o le mea lene na auina mai ai a’u” (Luka 4:43).
- O sāvāli i tatou o le malo o le Atua; o ē ua ofoina o latou ola i le *Atina’e Ekalesia*.
- E le o sō tatou faamoemoe ia faatumauina se faalapotopotoga.
- O lo tatou manao, ia toatele tagata, pe a mafai, e maua le sulu o Iesu Keriso e ola ai.
- Ua tatou manao ia fauina Kerisiano fou nei ia fai ma soo i le faatusa o Keriso.
- Ua fetalai Iesu, “Ou te fai atu ia te outou, inā tepa a’e ia o outou mata ma vaai atu i fanua. O fanua ua sinasina i le seleselega” (Ioane 4:35).

6. Taitaiga Feliua’iolaga

A. Ua saili i tatou ia atina’eina taitai i le alafua o le TusamaKeriso. O Iesu lava lo tatou faataitaiga. O lenei, o le taitai feliua’iolaga o le taitai ua TusamaKeriso.

B. E amiomalū ma loto maulalo *Taitai Feliua’iolaga*.

- E mulimuli i latou iā Iesu Keriso, o Lē na faamaulalo e Ia ia te Ia lava ina ia tuulalo i le finagalo o le Tamā (Filipi 2:5-8).
- Na latou faalagolago tasi i le Atua na te tali iā latou tatalo ma faafeiloai i ō latou manaoga uma (Ioane 15:7).
- Na latou tuualalo i le taitaiga a isi ma manatu o latou o ni tagata faatauva (Efeso 5:21).

C. O taitai feliua’iolaga o tagata auauna.

- Ua latou soli i tulagavae o Iesu Keriso, o Lē na sau ia le tautuaina, a ia avea ma taulealea tautua i tagata (Mareko 10:45; Mataio 20:28).
- Latou te taitai mai le tulaga mauualalo, o le uiga lea o le tagata fai fatuaiga (Filipi 2).

D. O taitai feliua’iloaga, o tagata vāai.

- “A leai se faaaliga, e fano le nuu” (Faataoto 29:18).
- ‘Ona tali mai ai lea o le Alii ia te a’u, ua faapea mai, “Ia e tusi i papa maa le faaaliga, ia manino ma faigofie” (Sapakuka 2:2).
- Na vali manino mai e Iesu le vaaiga mamao o le malo o le Atua; e ao foi ona tatou vali manino le vaaiga mamao, ia mafai e tagata uma ona malamalama lelei i ai.
- O le mua tosi lea e faaese ai taitai mai ē o mulimuli. E saili taitai vāai mo le faaaliga mai le Atua mo le ekalesia ma fuinuu eseese; latou te faailoa atu foi lea faaaliga i ē o mulimuli.

E. O taitai feliua’iolaga, o tagata e faaālafāumea o latou mafauafau.

- E mafai ona latou faaliliu faaaliga mai le Atua i gagana e malamalama ai o latou fuinuu, ina ia avea ia faaliliuga e fai ma mea faigaluega mo le malo o le Atua.

- Latou te iloa lu'itau ua patino i ō latou tupulaga, ua latou maua foi auala e fofo ai lu'itau nei, e pei ona faia e le fanau a Isakara (1 Nofoaiga Tupu 12:32).
- Latou te vāai mamao i agaga ua sē, e tatau ona manumaloina i le malo o le Atua.
- Latou te fofola le vaaiga mamao i ona sitepu faatino, e opo faatasi ai le aupaia i totonu o laufanua o le seleselega..
- Latou te mafai ona fetuuna'i vaaiga mamao ma mautausi, ia avea ma fuafuaga a le malo e foliga faatauva, ae i'u manuia (Luka 14:28-30)

F. O Taitai Feliua'iolaga, o tagata fau 'aufaigaluega.

- O le faataitaiga lava o Iesu; Na ia fau le aufaigaluega ma faaoloatāua i ai, na te le'i faia toatasia le galuega (Mataio 10).
- O soo o Iesu e le o ni tagata taualoa, ae o latou lava ia na fulisia le lalolagi (Galuega 17:6).
- E fau e Taitai Feliua'iolaga 'aufaigaluega latou te opo faatasi tagata lotu uma i le galuega o le malo o le Atua.

G. E lē fefe Taitai Feliua'iolaga e faaali o latou taofi, ae faaali lava i ala o le alofa.

- Ina ua auina e Iesu ona soo i le galuega faaevagelia, na ia faatonu atu iā i latou ia “popoto e pei o gata, ae lē mata'uleagaina e pei o lupe” (Mataio 10:16).
- E tatau i Taitai Feliua'iolaga ona latou iloa faapaleni lelei le alofatunoa ma le tulafono, faamasinoga ma le alofa mutimutivale, ia paleni mea uma nei ma le amiopā'ia.
- E tatau ona avea i latou ma fai faaiuga popoto, o e taofi tatau i faaiuga latou te faia.
- Na o lenei, e ao ona sausuina a latou faaiuga i le alofa mutimutivale.
- A latou tautala i mea sa'o, e tautala lava ma le alofa (Efeso 4:15).

H. O Taitai Feliua'iolaga, o taitai e lelei ma manino le faamatalaga o mea mo le faalogo a tagata.

- A'o galue le Alii i le lalolagi, e faatele ona fetalai, o lē ua i ai “taliga e faalogo ai, inā faalogo mai ia” (Mataio 13:43). Na finagalo Iesu i ona soo ia naunauta'i la latou faalogo.
- E tatau i Taitai Feliua'iolaga ona tautala e pei o Iesu, e tautala manino toe tautala sa'o.
- Ua iloa e Taitai Feliua'iolaga le taua o folasaga ma tautalaga e manino, e le fetuia'i taofi, e talitonu gofie ai tagata: “A lē manino le leo o le pu, e sauni faapefea le autau a le Atua mo le taua?” (1 Korinito 14:8)

I. E faaoloatāua e Taitai Feliua'iolaga isi, ia latou tapena le tupulaga lalovaoa e taitaia le malo.

- Na lape le taitaiga a Iosua ona na te le'i tapenaina ni taitai o le tupulaga na sosoo ma lana; na ia taitai lava na o lana tupulaga (Faamasino 2:10).
- E lē fausia e Taitai Feliua'iolaga ni malo e faatumau ai o latou tofiga; latou te a'otau i taitai o le taimi nei atoa ma taitai o le lumana'i.
- Latou te faapotopoto, a'otau, ma atina'e le 'au faafailele tama, o ē ua tuu i ai le matāfaioi o le faa'aupega, faaoloatāua, ma tuusaoloto taitai fou e galulue mo le malo o le Atua.
- E i'uvale le taitaiga pe a leai ni soa. “O mea uma foi na e faalogo ai ia te a'u i luma o molimau e toatele, ia e faaeeina atu i tagata faatuatuaina, o ē ua agavaa ona latou aoao atu i isi” (2 Timoteo 2:2).

7. Valevalealofa Fūafūa

A. E faailo e le *Valevalealofa Fūafūa* le agaga alofa o le Atua.

- O le auina mai e le Atua o lona Alo i le lalolagi, atoa ma le maliu o Iesu e fai ma sui o tagata ola uma, o meaalofo tumati'e ia o le alofa ma le alofa mutimutivale o le Atua.
- Ua molimau loane 3:16-17, o le taumasuasua o le alofa o le Atua na masua mai ai lona Alo tatou te maua ai le ola e faavavau. O le mau foi lea i le 1 loane 3:16-17, o le alofa lea o le Atua mo tagata ola uma ua faaalua i galuega moni o le valevalealofa o le aupai ia i mea na fai e le Atua.
- O le olaga o Iesu, o lona galuega, o lona maliu ma le toetū, o foliga vaaia ia o Lē na valevalealofa e fai ma sui o le tagata ola atoa ma le lalolagi (Mataio 9:36).

B. E lē aunoa ona tatou faatino le *Valevalealofa Fūafūa* i le suafa o Iesu.

- O Iesu, o le faatitaiga lea o le valevalealofa. Fai mai le au Evagelia, na valevalealofa le finagalo o Iesu, fua lea o le faatigaina o Ia faatasi ma tagata ola uma lava.
- Na faatitino le valevalealofa o Iesu i lona alofa ma lona tausī faamatua atu i ē matitiva, agasala, mama'i, faatauva, ma mā'ale'ale.
- O Iesu lava ua atoatoa i ai le Atua, ua atoatoa foi ia te ia le tagata ola. Tatou te faataitai ia te ia i le olaga tatou te ola ai, atoa ma le alofa tatou alolofa ai.
- Tatou te faatino auaunaga uma, le agalelei, pe o le agaalofoa foi i le suafa o Iesu, ma tatou ofoina atu lo tatou tautigā e faalauiola ai le alofa o Iesu (Mataio 10:42)

C. E faaaloalofa e le *Valevalealofa Fūafūa* le mamalu o soo se tagata.

- E ofoina atu e tagata o le Atua le faamoemoe ma le alofa atoa ma le fesoasoani i le suafa o Iesu i ala e faamamaluina ai soo se tagata, na faia i le faatusa o le Atua, na faia foi e le Atua.
- E lē valevalealofa mo se tau, a ia faalautele le alofa o le Atua ia Keriso.

D. O tafega lē pūlua ia o tagata faatuatua ua felua'ina olaga, o le *Valevalealofa Fūafūa*.

- Ua valaauina le ekalesia e fai ma tino o le alofa o le Atua atoa ma lona valevalealofa i totonu o le lalolagi.
- E lē lavatia e le tautigā faaletagata po'o se taumafaiga faifaatasi mo se lelei ona faamaea galuega o le valevalealofa.
- I le avea ma Tino o Keriso, e o'o o'o lo tatou valaauina faavalevalealofa i tositosi ninii uma o le olaga atoa o le tagata ua fausia mai le olaga o Iesu atoa ma le taiala a le Agaga Paia.
- E felua'ina e le Agaga Paia agaga o tagata faatuatua, o ē ua galulue ia felua'ina le lalolagi i lona itu faaletino, olaga fetausia'i masani, ma le itu faaleagaga.
- Na faatatauina le valevalealofa ia avea ma vaega e taua ma ola i le olaga ma le tautua i soo se aulotu.

E. O le *Valevalealofa Fūafūa*, ua tatou faaupu faaueselē ai le tala'iga ua i ai le tumu atoatoa.

- Ua auina i tatou e le Atua le Tamā ma faaoloatāuina e le Agaga Paia, ia tatou o i le lalolagi, tatou te alolofa ma tautua atu i le Alii.
- Ua tatou talitonu o le Tamā o lo'o galue i le mana o le Agaga Paia i le olaga o soo se tagata, ma ua valaauina i tatou ia auai ma le Tamā i lenei faiva taua ma le lelei.

- O le faaevagelia moni, na te aumaia le valaau a le Atua atoa ma le filifiliga e tuuina atu o tatou tagata, e auauna mo le lelei o i latou o lo'o siosiomia i tatou.
 - I le suafa o Iesu, ua taa'ina i tatou i ē puapuagatia ma nutimomoia, ma tatou saili ia maua le fofo, faamoemoe, filemu, ma le alofa i ē matitiva, faatauvaa, ma ua leai se alofaga.
 - Ua faalatalata i tatou o le tasi i le tasi i faigauo ma fuinuu alofagia, e maua ai suiga i le olaga fetausia'i. Ua faapea lava foi ona fausia ma faalatele e le Atua le Tino o Keriso.
- F. O tafega mai o tatou olaga le *Valevalealofa Fūafūa*, ua faaalitino ai lo tatou loto naunau tele ia alu manuia le mautausi a le Atua, ia togiolaina le lalolagi nutimomoia.
- Ua tatou saili ia tatou vāai, faalogo, ma tali atu i le tagata ua nutimomoia ma puapuagatia e pei ona faia foi e le Atua.
 - Ua tatou saili e saati o tatou tamaoaiga uma e faamāmā avega ai i le puapuagatia o le lalolagi ma saili fuafuaga a le Atua, o ana fuafuaga o le toefausia, faatoatoaga, faolataga, ma le filemu i totonu o le lalolagi, fuafuaga foi mo le lalolagi.
 - Ua tatou taumafai e sui faiga tuai a le lalolagi o lo'o faaauau ai pea le amiolētonu ma mea pi'opi'o o lo'o faaututau le olopalaina o tagata atoa ma puleaga leaga uma o i lo tatou lalolagi, ua tatou faia foi ia taumafaiga uma i le suafa o Iesu.
 - Ua tatou saili i mea uma tatou te faia ia lagolagoina le faatinoga o le mautausi a le Alii ma ia tatou avatu le mamalu i le Atua (Mika 6:8).

Tapuaiga Anoa

Ōpoga Faamataupu silisili

Faaevagelia Tiliola

Faugāsoo Fuafualelei

Atina'e Ekalesia

Taitaiga Feliua'iolaga

Valevalealofa Fūafūa



O LĀ TATOU MATAUPU SILISILI FAAUĒSELĒ

O le Vavega o le Alofatunoa Feliua'iolaga

“E maua luga atu le alofatunoa ia tatou agasala uma lava.” Matagofie lea taofi! O le laina lena o le pese, ae lē na o le pau lena.

Na liutino le Atua i totonu o Iesu, ma faatino ai lana galuega o le toe faaleleia o le lalolagi ia te ia (Ioane 3:15-16; Roma 1:1-16). A’o agasala pea i tatou, na ofoina e le Atua lona lava Alo, e fai ma “taulaga o le togioa” mo agasala (Roma 3:25). O le Alii o mea uma na faia, na Ia tauave i ona luga le agasala a le lalolagi ma saunia le faaolataga mo i tatou uma lava!

Na faaalai ai loa e le Atua lana amiotonu i totonu o Keriso – lana faaolataga (Roma 3:21). Ana le faia faapea, e faanofoesea tagata uma mai le Atua e aunoa ma se faamoemoe (Efeso 1:5-2:10). O lea la, ua faatoilaloina malosiaga uma na salu ta vavae ese i tatou mai le Atua (Kolose 2:15). O le taimi nei, “e ala i le faatuatua ia Iesu Keriso” (Roma 3:22), ua faasaolotoina i tatou (Roma 8:2)!

Ua saunia e le Feagaiga Fou le viiga le motusia o le Atua, o Lē ua faafauala’i lona tamaoaiga i ō tatou luga (Efeso 1:6-10). Ua afio le taiulu atoatoa o le Atua i le tino, i totonu ia Keriso, o le a oo foi i latou ua talia Keriso i le tumu i totonu ia te Ia (Kolose 2:8-15). Ina ua maea lana iloiloga o manuia o le alofatunoa o le Atua, na taumanuō Paulo, “Auē! le loloto o le tamao’aiga o le poto atoa ma le silafaga a le Atua” (Roma 11:33). Ua mafai ona tatou iloa nisi o nei tamaoaiga: faamagaloga o agasala, le afio o le Agaga i totonu ia i tatou, le fausia i le faatusa o Keriso, ola e faavavau, nofo filemu ma le Atua, ola faapaiaina, mafutaga a le Ekalesia, ma le faamoemoe mo le toe afio mai o le Alii.

A fetalai Iesu, e faalogoina e tagata e toatele le moni o le ‘talalelei’, ua fai mai, ua faia fua e le Atua le faaleleiga o tagata agasala ia te ia. Pe o le ao lafoga na inosia, po’o le fafine na molia i le mulilua, na faalogo loa i le alofa o le Atua, mafai loa ona salamō, faamagaloina, ma maua le ola e faavavau. Ua tuuina atu e le Atua o Ia lava, e avefua ma ē ua talia lo latou lē mafai ona fai o se mea e ta’uleleia ai i latou i Lana silafaga (Luka 15).

A’o le’i taitai ona tatou iloa lenei mea, na galue le Agaga Paia, ia tatou faalatalata i le faaolataga. Fai mai le faisalamo, e leai se vaipanoa na le āu i ai le siufofoga o le Atua (Salamo 19:3). Fai mai Paulo, o lo’o ola faalagolago mea uma lava na faia ia Keriso i taimi uma (Kolose 1:15-17). Faalauiloa e Ioane e faapea, o lo’o faamalamalamaina e Keriso loto o tagata uma lava (Ioane 1:9).

I ala e foliga i le faimeafou ma le faamaoni o le Atua, o lo’o galue nei le Agaga Paia i totonu o talafaasolo o tagata taitoatasi atoa ma potopotoga e talai alatanu mo le talalelei. E muai asa e Ia le ala

a’o le’i amata laugaina le Talalelei ma tapena tagata uma ia faalogo – ma le faamoemoe ia latou talia – le Tala Lelei.

A toe tepa i tua, e mafai uma lava e Kerisiano ona iloa le ala o i’a sa na taitaiina mai ai i latou e le Agaga i le olataga faakerisiano. Ua tatou faaigoa lea faiva tāpena o le alofatunoa o le Atua o le “alofamua,” po’o le alofatunoa e muamua i mea uma.

Ua ‘au le Atua ma i tatou. O mea uma na faia e le Atua e ala i Lona Alo, o lea ua Ia ofoina mai ia i tatou e ala i le Agaga Paia. E moni, ua manuia mea uma na faia i le faaolataga na faatino e le Tamā i Lona Alo (Roma 8:19-25).

O le Ta’uamiotonuina, ua tatou faaigoaina ai le galuega alofa a le Atua na ia faamagalalo ma toefaalelei ai tagata agasala ia te Ia lava. O le Ta’uamiotonuina – ua toe avea ma pele a le Atua – o le mea e maua i le alofatunoa e ala i le na’o le faatuatua lava.

O le Ta’uamiotonuina o le galuega faaola faitoatasi a le Atua. O le manuia lona lua o le Agaga Paia ua afio i le tagata salamō e faavae le olaga o le Atua. Ua fanau o ia o le tagata fou – ua toe fuata’ina – e le Agaga o le Atua. O le tagata fou, fanau fou, fanau mai lugā, ola e faavavau, ulufale i le malo o le Atua, savali i le alafou o le ola, ma le ola i le Agaga, o igoa ia ua ta’ua ai e le Feagaiga Fou lea malamalamaaga fou o le ola faaleagaga.

Po’o le a lava le gagana, ae ona o le vavega o le alofatunoa paia, ua faleapi ai nei le Agaga Paia i totonu o le Kerisiano ma faatino ai Lana galuega feliiua’iolaga. O le malae sa i ai le oti, ua i ai nei le ola; ua to’a le filemu o le Atua i le mea sa iai taua; o le faamoemoe foi i le mea na leai se faamoemoe. Ua faalailoa e le Feagaiga Fou: “Afa’i ua ia Keriso se tasi, o le tagata fou ia, ua mavae le mea tuai, ua oo mai le fou! Mai le Atua nei mea uma” (2 Korinito 5:17-18a).

Ua fai mai le Feagaiga Fou, o le ‘au Kerisiano ua i “totonu o Keriso”, o Keriso foi ua i totonu ia i latou. I se isi itu, o le ‘au Kerisiano lea ua toe faalelei i le Atua ona ua i “totonu o Keriso” i latou e ala i le faatuatua (Roma 8:1), ua i totonu ia te ia o lē ua na toe faalelei tagata agasala ua salamō i le Tamā.

Peitai, ua toe fai mai foi le Feagaiga Fou, o Keriso ua i totonu ia i tatou, o le “faamoemoe i le mamalu” (Kolose 1:27). E ala i le Agaga Paia, ua sasaa atu e le Keriso toetē lona ola – o ia lava lea – i totonu o ona tagata. Ua i totonu o Ia ‘iā i latou, ma faafofoa i totonu iā i latou le fua o le Agaga (Kalatia 5:22-23).

“Peitai,” e “toatele ua fesili,” e “faape’i foliga o le ola faaleagaga e mafai ona ola ai lo’u Kerisiano? Pe o le faiga lava lea, e pulea pea a’u, e le malosi o tuinanau masani o le tagata tuai? Pe o le mea, o le nofofale o le Agaga o le Atua i totonu ia te a’u, ua ou maua ai se isi olaga fou e sili atu ona lelei mo a’u?” Ua tali le Feagaiga Fou: “E sili le malosi o Lē o i totonu ia te outou nai lo lē o i le lalolagi” (1 Ioane 4:4).

O le mana lava lea na faatuina lesu Keriso mai le oti – ua avea ai o ia ma Alii e pule i le oti, seoli, agasala, ma le tuugamau – o lea lava o lo’o galue i totonu iā i tatou mai le Agaga Paia (Efeso 1:19)! Ua mavae le pule a le tulafono tuai a le agasala ma le oti. O lenei, e ala ia lesu Keriso, ua faasaolotoina nei a’u e le tulafono a le Agaga, o le ola lea mai le tulafono a le agasala ma le oti” (Roma 8:2).

O le olaga masani lea e olioli ai le au Kerisiano uma, ia faatumuina i le Agaga Paia, ina ia latou ola ai, e le tusa ma le tino, a ia tusa ma le Agaga (Roma 8:1-8). Po ua oo ea lou olaga i le tulaga e te lagonaina ai le vavega lea o le alofatunoa feliiua'olaga o le Atua?

“The Miracle of Transforming Grace.” Essay taken from, *The Reflecting God Study Bible*® 2000. Bible copyright by The Zondervan Corporation and Essay by Beacon Hill Press of Kansas City. Used by permission of Publisher. All rights reserved.





EKALESIA NASARETA

O MAU O LE FAATUATUAGA



Mau I O le Atua Tolutasipaia

Ua tatou talitonu i le Atua lēfuatia e toatasi, e soifua e faavavau, o le Foafoamea Puleaoao, ma le Tausivaatele o le atulaulau; ua na o ia lava le Atua, e paia i le natura, paia i ona uiga, ma paia i ona faamoemoega. O le Atua, o lē paia, alofa, o le malamalama foi, o le Tasitolupaia o ia i lona natura-atua, ua faaalua mai o le Tamā, o le Alo, ma le Agaga Paia.

Kenese 1; Levitiko 19:2; Teuteronome 6:4-5; Isaia 5:16; 6:1-7; 40:18-31; Mataio 3:16-17; 28:19-20; Ioane 14:6-27; 1 Korinito 8:6; 2 Korinito 13:14; Kalatia 4:4-6; Efeso 2:13-18; 1 Ioane 1:5; 4:8

Mau II Iesu Keriso



Ua tatou talitonu ia Iesu Keriso, o le Peresona Lona-lua o le Atua-ulu Tolutasipaia; na tasi i la'ua e faavavau ma le Tamā; na liutino o Ia mai le Agaga Paia ma ua fanau mai ia Maria le Taupou, ina ia tuufaatasia ia te Ia o natura e lua, ua lelei ma atoatoa, o le Atua-ulu ma le tagata-atoa, i le Peresona e tasi, o le Atua o Atua ma le tagata o tagata, o le Atua-tagata lava lea.

Ua tatou talitonu o Iesu Keriso na malia mo ā tatou agasala, ma ua toetū faamaoni mai le oti ma toe fo'i i Lona tino, faatasi ai ma mea uma lava ua faatatauina mo le faaatoatoaina o le natura o le tagata ola, o Ia lava lona ua afio atu i le lagi, o lo'o i ai nei iina ua feagai ma le faiva o le faufautua mo i tatou.

Mataio 1:20-25; 16:15-16; Luka 1:26-35; Ioane 1:1-18; Galuega 2:22-36; Roma 8:3, 32-34; Kalatia 4:4-5; Filipi 2:5-11; Kolose 1:12-22; 1 Timoteo 6:14-16; Eperu 1:1-5; 7:22-28; 9:24-28; 1 Ioane 1:1-3; 4:2-3, 15



Mau III O le Agaga Paia

Ua tatou talitonu i le Agaga Paia, o le Peresona Lona-tolu o le Atua-ulu Tolutasipaia, o lo'o afio pea lava pea ma matua galue nei i totonu, galue faatasi foi ma le Ekalesia a Keriso, e popō tau'au atu i le lalolagi ia fulitua i le agasala, toefuata'i i ē ua salamō ma faatuatua, faapaia atu i le au faatuatua, ma taiala i mea moni uma ē ua i totonu ia Iesu.

Ioane 7:39; 14:15-18, 26; 16:7-15; Galuega 2:33; 15:8-9; Roma 8:1-27; Kalatia 3:1-14; 4:6; Efeso 3:14-21; 1 Tesalonia 4:7-8; 2 Tesalonia 2:13; 1 Peteru 1:2; 1 Ioane 3:24; 4:13

Mau IV O Tusi Paia



Ua tatou talitonu i le manavaga atoatoa o Tusi Paia, ua tatou iloa ai o tusi e 66 o le Feagaiga Tuai ma le Feagaiga Fou, e mai le manavaga paia, o le faaaliga ua atoatoa o le finagalo o le Atua, ua manino ai mea uma ua tatau mo lo tatou faaolataga, peitai, a lē maua i le Tusi Paia, e lē avea ma mau o le faatuatua.

Luka 24:44-47; Ioane 10:35; 1 Korinito 15:3-4; 2 Timoteo 3:15-17; 1 Peteru 1:10-12; 2 Peteru 1:20-21



Mau V Agasala, Amata ma le Faatino

Ua tatou talitonu, o le agasala na oo mai i le lalolagi ona o le fouvale a ō tatou uluai matua, o le oti foi ona o le agasala. Ua tatou talitonu, o le agasala e lua ona ituaiga: agasala amata po’o le fōuatua, ma le agasala faatino po’o le agasala faaletagata.

Ua tatou talitonu o le agasala amata, po’o le fōuatua, o le faatama’ia lea o le natura o fanau a Atamu, ua afua ai ona motusia tagata uma mai le amiotonu amata po’o le tulaga mamā na i ai o tatou uluai matua, ina ua faatoa maea faia i la’ua, ua ola faatautee nei i le Atua, ua aunoa ma se faaleagaga, ua gaua’i gofie i le leaga, ma ua olaola leaga ai lava. Ua tatou talitonu foi, e lē tineia le agasala amata mai le olaga o le tagata ua toefuata’ina, vagana ua faamamā atoatoa lona agaga i le papatisoga a le Agaga Paia.

Ua tatou talitonu e tu ese le agasala amata mai agasala faatino, talu ai, o le agasala amata e faasino i le tuinanau tuufaasolo e faatino ai le agasala, lea e lē ta’usalaia ai le tagata, vagana ua tuulafoa’i pe na te teena foi le fofō faalelagi.

Ua tatou talitonu, o agasala faatino po’o agasala faaletagata o le solia ma le loto lea o se tulafono a le Atua e se tagata agavaa ua iloa le lelei ma le leaga. E lē fenumia’ia agasala faatino ma uiga faale’atoa le ‘alofia, e le fuafuaina, e aofia ai faale’atoa o le tino, vaivaiga, sasi, faaletonu, po’o nisi mea ua le ausia le alafua o le olaga atoatoa, o ilamea totogo ia o le Pa’ū. Peitai ane, e ese uiga faaleatoa le ‘alofia, ese foi uiga faaaliga fouvale i le agaga o Keriso, e ono faaigoaina o agasala o le agaga. Ua tatou talitonu, o le agasala faatino, o le solitulafono tumati’e, o le matuā solia lea o le tulafono a le alofa; i le sootaga ia Keriso, e ono ta’ua lea agasala o le lē faatuatua.

Uluai agasala: Kenese 3; 6:5; Iopu 15:14; Salamo 51:5; Ieremia 17:9-10; Mareko 7:21-23; Roma 1:18-25; 5:12-14; 7:1-8:9; 1 Korinito 3:1-4; Kalatia 5:16-25; 1 Ioane 1:7-8

Agasala Faatino: Mataio 22:36-40 (ma le 1 Ioane 3:4); Ioane 8:34-36; 16:8-9; Roma 3:23; 6:15-23; 8:18-24; 14:23; 1 Ioane 1:9-2:4; 3:7-10

Mau VI Togiola



Ua tatou talitonu o Iesu Keriso, i ōna puapuaga, o Lona toto masaa, atoa ma Lona maliu i le satauro, ua atoatoa ai le togiola mo agasala uma a le tagata; o le Togiola lenei o lo’o faavae ai le faaolataga, ua lava foi lea mo sulii uma o le sua faa Atamu. Ua aogā tele foi lenei Togiola mo le faaolataga o ē lē atoatoa mafaufau e iloa ai le lelei ma le leaga, aofia ai ma tamaiti laiti, peitai, e le aogā lea Togiola mo le faaolataga o ē ua matutua, ua iloa le lelei ma le leaga, se’iloga latou te salamō ma faatuatua.

Isaia 53:5-6, 11; Mareko 10:45; Luka 24:46-48; Ioane 1:29; 3:14-17; Galuega 4:10-12; Roma 3:21-26; 4:17-25; 5:6-21; 1 Korinito 6:20; 2 Korinito 5:14-21; Kalatia 1:3-4; 3:13-14; Kolose 1:19-23; 1 Timoteo 2:3-6; Tito 2:11-14; Eperu 2:9; 9:11-14; 13:12; 1 Peteru 1:18-21; 2:19-25; 1 Ioane 2:1-2



Mau VII Alofatunoa Amatamea (Alofamua)

Ua tatou talitonu na faia le tagata i le faatusa o le Atua ma ave i ai le malosi e iloa ai filifili le sa'o po'o le sese. O lona uiga, e amo e le tagata le iuga o ana filifiliga, aua na filifili ma le iloa; ae talu le pa'u o Atamu, ua ponā tagata uma ma ua lē lavatia i le malosi ma ā latou galuega ona fulisia ma saunia o latou tagata e faatuatua ma valaau ai i le Atua. Peitai, ua tatou talitonu foi, o le alofatunoa lenei o le Atua (e ala ia lesu Keriso) ua faaee lētōgia i luga o tagata uma, ua maua ai le malosi o tagata uma, o ē a liliu mai le agasala i le amiotonu, e faatuatua ai 'iā lesu Keriso mo le magaloga ma le faamamāina mai le agasala, ma mulimuli atu ai i galuega lelei ua ta'uleleia ma talileleia i Lana silafaga paia.

Ua tatou talitonu, e ono pa'uū tagata uma mai le alofatunoa ma aveesea mai le manuia, e ui lava faapea ua maea feliu'ina ma faapaiaina atoatoa o latou olaga, o le a leai so latou faamoemoe, e fano foi e faavavau, pe a lē salamō mai iā latou agasala uma.

Foliga i le Atua ma le amo e le tagata le iuga o ana filifiliga: Kenese 1:26-27; 2:16-17; Teuteronome 28:1-2; 30:19; Iosua 24:15; Salamo 8:3-5; Isaia 1:8-10; Ieremia 31:29-30; Esekielu 18:1-4; Mika 6:8; Roma 1:19-20; 2:1-16; 14:7-12; Kalatia 6:7-8

Vaivai Faanatura: Iopu 14:4; 15:14; Salamo 14:1-4; 51:5; Ioane 3:6a; Roma 3:10-12; 5:12-14, 20a; 7:14-25

Alofatunoa le togia ma galuega o le faatuatua: Esekielu 18:25-26; Ioane 1:12-13; 3:6b; Galuega 5:31; Roma 5:6-8, 18; 6:15-16, 23; 10:6-8; 11:22; 1 Korinito 2:9-14; 10:1-12; 2 Korinito 5:18-19; Kalatia 5:6; Efeso 2:8-10; Filipi 2:12-13; Kolose 1:21-23; 2 Timoteo 4:10a; Tito 2:11-14; Eperu 2:1-3; 3:12-15; 6:4-6; 10:26-31; Iakopo 2:18-22; 2 Peteru 1:10-11; 2:20-22

Mau VIII Salamō



Ua tatou talitonu, o le salamō, o le liliu faamaoni atoatoa lea o le mafaufau mai le agasala, ua aofia ai le lagonaina e le tagata o lona sesē atoa ma lona liliuese lēfaamalosia mai le agasala, ua faatonuina lea mo tagata uma, o ē ua agasala i le Atua i se gaioiga po'o se faamoemoega. Ua foaiina mai e le Agaga o le Atua i tagata uma, o ē a salamo, le fesoasoani o le agaga salamō ma le faamoemoe o le agaalofo, ia latou talitonu ai i le magaloga atoa ma le ola faaleagaga.

2 Nofaiga Tupu 7:14; Salamo 32:5-6; 51:1-17; Isaia 55:6-7; Ieremia 3:12-14; Esekielu 18:30-32; 33:14-16; Mareko 1:14-15; Luka 3:1-14; 13:1-5; 18:9-14; Galuega 2:38; 3:19; 5:31; 17:30-31; 26:16-18; Roma 2:4; 2 Korinito 7:8-11; 1 Tesalonia 1:9; 2 Peteru 3:9



Mau IX Ta'uamiotonuina, Toefuata'ina, ma le Vaetamaina

Ua tatou talitonu o le ta'uamiotonuina, o le galuega alofa ma le faamasinoga a le Atua, ua Ia to ai le magaloga mo mea uma ua ta'usala ai, le saolotoga atoatoa mai faasalaga o agasala faatino, ma le avea ma tagata amiotonu, i tagata uma ua faatuatua ia lesu Keriso ma talia o Ia e fai ma Alii ma Faaola.

Ua tatou talitonu, o le toefuata'ina, po'o le fanau fou, o le galuega alofa a le Atua, ua fagūa faaleagaga ai le natura sa'o o le tagata faatuatua ua salamō ma avatu i ai le ola faaleagaga e patino ia te ia, ua i ai le malosi e faatuatua, alofa, ma usitai ai.

Ua tatou talitonu, o le vaetamaina, o le galuega alofa a le Atua ua avea ai le tagata faatuatua ua ta'uamiotonuina ma toefuata'ina e fai ma tamafai a le Atua.

Ua tatou talitonu, o le ta'uamiotonuina, toefuata'ina, ma le vaetamaina, o suiga e tutupu felavasa'i faatasi i le feliiuiga o le olaga o lē saili i le Atua, o suiga e oo i ai ina ua faatuatua, pe a maea salamō; e molimau foi le Agaga Paia i lenei galuega ma le tulaga lea o le alofatunoa.

Luka 18:14; Ioane 1:12-13; 3:3-8; 5:24; Galuega 13:39; Roma 1:17; 3:21-26, 28; 4:5-9, 17-25; 5:1, 16-19; 6:4; 7:6; 8:1, 15-17; 1 Korinito 1:30; 6:11; 2 Korinito 5:17-21; Kalatia 2:16-21; 3:1-14, 26; 4:4-7; Efeso 1:6-7; 2:1, 4-5; Filipi 3:3-9; Kolose 2:13; Tito 3:4-7; 1 Peteru 1:23; 1 Ioane 1:9; 3:1-2, 9; 4:7; 5:1, 9-13, 18

Mau X Amiopa'ia Faakerisiano ma le Faapa'iaina Atoatoa



Ua tatou talitonu, o le faapaiaina, o le galuega a le Atua na te feliiu'ina le au faatuatua ia pei o Keriso. O le faatusa o Keriso, e faatupuina i totonu iā i tatou, e le alofatunoa o le Atua mai le Agaga Paia i Lana galuega faapaia amata, po'o le toefuata'ina (e o faatasi ma le ta'uamiotonuina), sosoo le faapaiaina atoatoa, ona alualu ai loa lea o Lana galuega faaatoatoa, seia oo ina faaeaina i tatou i le mamalu. O le taunuuga lea, ina ua faamamaluina i tatou, e iloa ai ua atoatoa ona feliiu'ina i tatou i le faatusa o le Alo.

Ua tatou talitonu, o le faapaiaina atoatoa, o le galuega a le Atua, e sosoo i le toefuata'ina, e tuusaoloto ai tagata faatuatua uma mai le agasala amata, po'o le fōuatua, ma siitia ai le tagata ia atoatoa le naunau o lona loto i le Atua, ma ia faaatoatoaina foi le usitai paia o le alofa i totonu ia te ia.

Ua faatupuina lea atoatoa e le papatisoga po'o le galuega faatumu a le Agaga Paia, ma ua faatasia i lea faiga le faamamāina o le agaga mai agasala, atoa ma le faatumauiina o le afioaga o le Agaga Paia, ua faaoloatāuina ai le au faatuatua mo le olaga e ola ai ma le tautua e tatau ona fai.

E sau le faapaiaina atoatoa mai le toto o Iesu, ua faa'emo ona faatupu lea faapaiaina, e le alofatunoa, e ala i le faatuatua, pe a atoatoa ona vavaeese i tatou mai le olaga o le lalolagi; ua avea foi le Agaga Paia e fai ma molimau i le galuega ma le tulaga lea o le alofatunoa.

Ua lauiloa lea suiga i ona igoa eseese, ua faaigoa ai i ona foliga eseese, e pei o le “Kerisiano ua atoatoa,” “alofa ua atoatoa,” “agaga po'o le loto mamā,” “papatisoga po'o le galuega faatumu a le Agaga Paia,” “o le tumu atoatoa o le faamanuiaga,” ma le “Kerisiano ua amiopaia.”

Ua tatou talitonu e i ai le eseese manino o le agaga mamā ma le olaga ua faamatuaina faaleagaga. E faa'emo ona agaga mamā, ina ua faapaiaina atoatoa le tagata; ae maua le olaga faamatuaina mai le galuega faatupu faifaiepea a le alofatunoa.

Ua tatou talitonu o le alofatunoa o le faapaiaina atoatoa, e aofia ai le vilivilita'i paia, e naunau ia tupu i le alofatunoa, ia avea ma soo ua pei o Keriso. Peitai ane, e tatau ona faafailelei ma le toto'a lea vilivilita'i paia, ma ia gauai ma le faateete i amatamea ma fāumea o le atina'e faaleagaga ma le faiva faaleleia atili ia tusa le soo ma Keriso i ona uiga ma lona tagata vaaia. A aunoa ma lea motuga'afa fuafualelei, e ono ponā le molimau a le tagata, mafatia le alofatunoa ma i'u ai ina leiloa le tagata e faavavau.

O le auai i faaauuala o le alofatunoa, aemaise lava i mafutaga, faamalosia agaga, ma sakalameta a le Ekalesia, e tutupu ai le au faatuatua i le alofatunoa ma alolofa ai ma le agaga-atoa i le Atua ma le tuaoi.

Ieremia 31:31-34; Esekeliu 36:25-27; Malaki 3:2-3; Mataio 3:11-12; Luka 3:16-17; Ioane 7:37-39; 14:15-23; 17:6-20; Galuega 1:5; 2:1-4; 15:8-9; Roma 6:11-13, 19; 8:1-4, 8-14; 12:1-2; 2 Korinito 6:14-7:1; Kalatia 2:20; 5:16-25; Efeso 3:14-21; 5:17-18, 25-27; Filipi 3:10-15; Kolose 3:1-17; 1 Tesalonia 5:23-24; Eperu 4:9-11; 10:10-17; 12:1-2; 13:12; 1 Ioane 1:7, 9

“Atoatoa faakerisiano,” “alofa atoatoa”: Teuteronomie 30:6; Mataio 5:43-48; 22:37-40; Roma 12:9-21; 13:8-10; 1 Korinito 13; Filipi 3:10-15; Eperu 6:1; 1 Ioane 4:17-18

“Agaga mama”: Mataio 5:8; Galuega 15:8-9; 1 Peteru 1:22; 1 Ioane 3:3

“Papatisoga i le Agaga Paia”: Ileremia 31:31-34; Esekielu 36:25-27; Malaki 3:2-3; Mataio 3:11-12; Luka 3:16-17; Galuega 1:5; 2:1-4; 15:8-9

“Tumu atoatoa o le faamanuiaga”: Roma 15:29

“Amiopaia faakerisiano”: Mataio 5:1-7:29; Ioane 15:1-11; Roma 12:1-15:3; 2 Korinito 7:1; Efeso 4:17-5:20; Filipi 1:9-11; 3:12-15; Kolose 2:20-3:17; 1 Tesalonia 3:13; 4:7-8; 5:23; 2 Timoteo 2:19-22; Eperu 10:19-25; 12:14; 13:20-21; 1 Peteru 1:15-16; 2 Peteru 1:1-11; 3:18; Iuta 20-21



Mau XI O le Ekalesia

Ua tatou talitonu i le Ekalesia. O le fuinuu ua ta'utinoia, o Iesu Keriso o le Alii. O le tagata osifeagaiga a le Atua ua faafouina i totonu ia Keriso. O le Tino o Keriso ua aofaatasi e le Agaga Paia e ala i le Upu.

Ua valaau le Ekalesia e le Atua, e faailo lona olaga i le autasi ma le mafutaga a le Agaga; i le tapuaiga e ala i le laugaina o le Upu, tausia o sakalameta, ma le tautua i Lona suafa; i le usitai ia Keriso, ola paia, ma le fetausia'i faatauagai.

O le savāli a le Ekalesia i le lalolagi, ia fefaasoa'i i le faiva faaola, toefaalelei iā Keriso i le mana o le Agaga. E faatino le savāli a le Ekalesia i le fausia o soo i le faaevagealia, aoga, valevalealofa faatino, tauivi mo le faamasinoga tonu, ma avea ma molimau o le malo o le Atua.

O le Ekalesia, o le laau tuufaasolo ua na faatulaga ona itutino i foliga totonu faaaganuu, ua lala falala, o ekalesia faalenuu i le isi itu, a'o le tino faaātūlāulau i le isi, ua na faaupito foi ona tagata ua valaau e le Atua mo auunaga ua tuumavaevae. Ua valaau e le Atua le Ekalesia ia ola i lalo o Lana pule, e ola faatalitali ai i le faaatoatoaga pe a toe afio mai lō tatou Alii o Iesu Keriso.

Esoto 19:3; Ileremia 31:33; Mataio 8:11; 10:7; 16:13-19, 24; 18:15-20; 28:19-20; Ioane 17:14-26; 20:21-23; Galuega 1:7-8; 2:32-47; 6:1-2; 13:1; 14:23; Roma 2:28-29; 4:16; 10:9-15; 11:13-32; 12:1-8; 15:1-3; 1 Korinito 3:5-9; 7:17; 11:1, 17-33; 12:3, 12-31; 14:26-40; 2 Korinito 5:11-6:1; Kalatia 5:6, 13-14; 6:1-5, 15; Efeso 4:1-17; 5:25-27; Filipi 2:1-16; 1 Tesalonia 4:1-12; 1 Timoteo 4:13; Eperu 10:19-25; 1 Peteru 1:1-2, 13; 2:4-12, 21; 4:1-2, 10-11; 1 Ioane 4:17; Iuta 24; Faaaliga 5:9-10

Mau XII Papatisoga



Ua tatou talitonu i le papatisoga faakerisiano, na faatonuina e lo tatou Alii, o le sakalameta ua faamaufaailoga ai le talia o faamanuiaga o le togiola o Iesu Keriso, e faatinoina i le au faatuatua, o le faalauiolaina foi lea o lo latou faatuatua ia Iesu Keriso, o lo latou Faaola, o le faamoemoe atoatoa foi o le ola usitai i le amiopaia ma le amiotonu.

I le avea ai o le Papatisoga ma faailoga o le feagaiga fou, e ono papatisoina tamaiti laiti, pe a talosaga matua ma taitaitama, o ē ua i ai le vaaiga ia mautinoa e lē o tuua le aoaoga faakerisiano o fanau.

E ono fai le Papatisoga i le faatulutulu, faataele, po'o le faatofu, e fua i le filifiliga a lē ua fia papatiso.

Mataio 3:1-7; 28:16-20; Galuega 2:37-41; 8:35-39; 10:44-48; 16:29-34; 19:1-6; Roma 6:3-4; Kalatia 3:26-28; Kolose 2:12; 1 Peteru 3:18-22



Mau XIII **O le La'o'ai a le Alii**

Ua tatou talitonu o le Faamanatuga na amataina e lo tatou Alii ma le Faaola o Iesu Keriso, o le sakalameta taua lea i le Feagaiga Fou, ua faalauiloa ai Lona maliu faataulagaosi. O malosiaga o lea taulaga ua maua ai e le au faatuatua le ola ma le faaolataga, atoa ma le folafolaga o manuia faaleagaga uma ua iā Keriso. O mea nei ua afaese ai ē ua saunia, latou te faafetaia ma le ava le taua o lea la'o'ai. A latou aai foi, ua latou faailoa atu le maliu o le Alii se'ia oo i Lona toe afio faalua mai. I le avea ai ma tausamiga mo le potopotoga o ē faatuatua, ua na o i latou ua faatuatua ia Keriso ma alolofa i le aupai e onomea i ai le valaau e auai i lenei tausamiga faamanatu.

Esoto 12:1-14; Mataio 26:26-29; Mareko 14:22-25; Luka 22:17-20; Ioane 6:28-58; 1 Korinito 10:14-21; 11:23-32

Mau XIV **Faamalologa Faalelagi**



Ua tatou talitonu i le mau o le faamalologa faalelagi mai le Tusi Paia, ma ua augani atu i ō tatou tagata ia ofoina le tatalo o le faatuatua mo le malologa o ē mama'i. Ua tatou talitonu foi e faaoga e le Atua togafitiga faasaienisi (fomai) e auala ai lana faamalologa mo e mama'i.

2 Tupu 5:1-19; Salamo 103:1-5; Mataio 4:23-24; 9:18-35; Ioane 4:46-54; Galuega 5:12-16; 9:32-42; 14:8-15; 1 Korinito 12:4-11; 2 Korinito 12:7-10; Iokopo 5:13-16



Mau XV **O le Toe Afio Faalua mai o Keriso**

Ua tatou talitonu e toe afio mai le Alii o Iesu Keriso; o i tatou foi o ē o ola pea i Lona toe afio mai, tatou te lē muamua i ē o momoe ua iā Keriso; peitai, afai tatou te tumau ia te Ia, o le a faatasia i tatou ma le au paia ua toe tutū e faafeiloai le Alii i le vanimonimo, ina ia tatou faatasi ai pea ma le Alii.

Mataio 25:31-46; Ioane 14:1-3; Galuega 1:9-11; Filipi 3:20-21; 1 Tesalonia 4:13-18; Tito 2:11-14; Eperu 9:26-28; 2 Peteru 3:3-15; Faaaliga 1:7-8; 22:7-20

Mau XVI **Toetutū, Faamasinoga, Taunuuga**



Ua tatou talitonu i le toetutū mai le oti, e toe faatutū mai ai i le ola nei, tino uma o ē amiotonu atoa ma ē amiolētonu, ia faatasia ma ō latou agaga – “o e na fai mea lelei, e toe tutū i le ola e faavavau; a'o e na faia mea leaga, e toe tutū i le malaia.”

Ua tatou talitonu i le faamasinoga o lo'o fotua'i mai, e laulaututū taitoatasi ai tagata uma i luma o le Atua ma faamasinoina ai e tusa ma mea na latou faia i le olaga nei.

Ua tatou talitonu ua mautinoa lava le ola mamalu e faavavau mo i latou uma ua ola faatuatua ma mulimuli ma le usitai ia Iesu Keriso lo tatou Alii; peitai, o i latou uma ua oo lava i le iuga e le'i salamō, e lafoa'ina i latou i le puapuaga tele, latou te mau foi i seoli e faavavau.

Kenese 18:25; 1 Samuelu 2:10; Salamo 50:6; Isaia 26:19; Tanielu 12:2-3; Mataio 25:31-46; Mareko 9:43-48; Luka 16:19-31; 20:27-38; Ioane 3:16-18; 5:25-29; 11:21-27; Galuega 17:30-31; Roma 2:1-16; 14:7-12; 1 Korinito 15:12-58; 2 Korinito 5:10; 2 Tesalonia 1:5-10; Faaaliga 20:11-15; 22:1-15





O LA TATOU EKALESIOLO

O le itutino i tatou o le Ekalesia Kerisiano

“Ekalesia” o le upu e faigata ona malamalama i ai i le tele o taimi. Talu ai, ua lasi auala ua tatou faaoga i ai lea upu, ua alagatatau ai ona faaupu ia manino lelei lona uiga. O le mea lea ua ta’ua ai o le “Ekalesiolo”, o lona uiga, “o le suesuega faapitoa i le ekalesia.”

Muamua i mea uma, ua fai ma faasinomaga o le Ekalesia Nasareta le “nuu o le Atua” mai le Tusi Paia. A togitogimatā’a, o le itutino i tatou o le ekalesia e “tasi, paia, salalau i le atulaulau, ma faaaposetolo.” O upu na mai le mau amata, o lo’o tautū i ai le au Kerisiano uma i le lalolagi atoa mai le talafaasolo o le Ekalesia. Ua faamatala e upu taitasi nei mai upu e fa, vaega taua o le “ekalesia lenei.”

Ua papatisoina i tatou i totonu o le “Ekalesia a Keriso”, ae lē o le Ekalesia Nasareta. O lo tatou papatisoga, e fai ta’itoatasi, e fai toatele foi, o le galuega tatou te vaaia ai le gaii o le alofa tunoa o le Atua: Lona alofatunoa amatamea (alofamua) – o lona uiga, e mulia’i o tatou iloa le Atua, ae ua loa ona gaii o Ia i ō tatou olaga – e faapena foi i Lona alofatunoa faaola agaga.

Ua faauuina o tatou faifeau “i totonu o le Ekalesia a le Atua,”¹ ae lē o totonu o le Ekalesia Nasareta. O le mea lea, ua avea ai aulotu uma a le Nasareta e fai ma faailoilo mautū o le “ekalesia o le atulaulau,” o le faaupuga ua tatou faaogaina e faamatala ai le au faatuatua uma i so’o se mea, mai le talafaasolopito atoa.

Ua tatou faamaonia le mau a le Tusi Paia faasino i le paia o le Atua ma le paia o Lana ekalesia. Na filifilia e le Atua le ekalesia e fai ma tauola o lona alofatunoa faalelagi. Mai le Agaga Paia, ua ia manavaina foi le ekalesia ia ola. O le Agaga Paia, o le malosiaga lea o lo’o ola ai le Ekalesia, ua Ia totō foi lea fatu i totonu o le tino ola o Keriso i le lalolagi. Ua avea ai le ekalesia Kerisiano ma molimau o lenei upu moni: o le tapuaiga i le Atua, o le faamamafa ua tasi ma moni o le olaga faaletagata. Fua lea o le lauga atu o le ekalesia i ē uma ua agasala ia salamō ma suia ō latou olaga. O totonu o mafutaga anoa faaleagaga a aulotu, o le malae lea ua faaoga e le ekalesia, e faafailelei ma tapu’e ai le ola paia i totonu o le au faatuatua. Ua faaolatotoga foi le ekalesia ia oo le au faatuatua uma i le olaga faapaiaina, o le olaga foliga ia Keriso. O le amiopaia lea ma le faamaoni o le ekalesia, na te faailoa atu ai le malo o le Atua i le lalolagi. I le tumutumuga o lea taofi, ua avea ai loa le olaga o le ekalesia e fai ma alafua, e fua i ai le malosi o lana savāli.

Ua maeātasi i tatou ma le savāli a le Atua

Na faia e le Atua le atulaulau o mea tetele. I le natura ma le talafaasolopito, na faia le tagata na te tauavea le faatusa faalelagi ina ia tupu laulauā le alofa faalelagi. E faamuamua Lana savāli i le lalolagi, mai iā te Ia foi le savāli ua patino iā i tatou. Ina ua faatama’ia e le agasala mea uma na faia, o iina na faaalia ai le natura faaola o le savāli. O le “toe fausia lea o mea uma na faia ia tusa ma faamoemoega na faia ai e le Atua mea uma.”² O le toe fausia o le tagata ola o le vaega faavae o le savāli a le Atua.

Na faaupuina e loane Ueselē lenei toefausia o le faapaiaina. O ana upu, o le “toefaafouina o ō tatou agaga i le faatusa o le Atua,” a faamanino, o le “amiotonu ma le amiopaia moni lea.”³ O le savāli lea a le Atua, na

¹ O upu nei o lo’o lomia i tusi faifeau o so’o se faifeau faauu.

² Roger L. Hahn, “The Mission of God in Jesus’ Teaching on the Kingdom of God,” in Keith Schwanz and Joseph Coleson, eds., *Missio Dei: A Wesleyan Understanding* (2011), 58.

³ John Wesley, *Sermons, Volume II* (1902), p. 373; John Wesley, *A Plain Account of Christian Perfection*, in J. A. Wood, *Christian Perfection as Taught by John Wesley* (1885), 211.

faailo mai le valaauina o Aperamo, na filifili o Ia e faamanuia, ina ia avea ona sulī e fai ma faamanuiaga i malo uma (Kenese 12:1-3). Na faaalitino lea savāli i le tala faasolopito o Eperu, o e na fai ma molimau o le Atua e toatasi, na latou tala'iina lona suafa i malo e tele o le lalolagi.

Ua iloatino e le au Kerisiano, e Tolutasi Paia le Atua – e tasi ae tolu ona peresona – ua atoatoa lona faaali mai ia Iesu Keriso lo tatou Alii. Ua valaaulia i tatou e le Agaga Paia tatou te auai i le savāli a le Atua, ua faaoloatāuina ia tatou faia faapea. Ua ulufale foi le ekalesia i le feagaiga na uluai osia e le Atua ma Aperamo. O le vaega o lona olaga faapaiaina, ua avea ai le ekalesia ma faamanuiaga i malo uma lava.

Ua auai i tatou i le savāli a le Atua faatasi ma isi Kerisiano, ae tatou te taofimau lava i le faaaliga e patino ia i tatou o le fuiaulotu faavaomalo, ua faatonuina ai le ituaiga olaga tatou te ola ai. Na o lenei, e le faatonua e tuaoi faalemalo ni mutaaga o le ekalesia, aua ua maea tatala e Keriso le ekalesia i malo ma lanu uma.


Tala'i e pei o Keriso i le lalolagi

Ua faavae le tala'iga faakerisiano i le malelega faaletusipaia, ia tatou molimau i le alofa o le Atua – o le alofa lea ua aliali manino i le peresona o Keriso. O le tala'iga lenei ua faamaonia e le au faatuatua i lo latou papatisoga. Latou te faasilasila i le papatisoga lo latou loto ia avea ma molimau i luma o tagata, o le soo lava o Keriso. O le faugasoo fai faamaoni, o le faailo vaaia o le alofatunoa faofale o le Atua i totonu ia i tatou. I le ma lea, o le faailo o le alofatunoa faalelagi lenei o lo'o galue i le lalolagi ua “faapea lava ona alofa i ai le Atua” (Ioane 3:16). O itutino uma o le tino o Keriso, o tagata faatuatua ua maea faaa'upegaina mo le tautua. Ua valaauina isi e fai ma taitai o matāfaiōi faapitoa i totonu o le ekalesia, ma ua faauuina i latou e le ekalesia e fai ma faifeau faaaposetolo. O lona uiga, ua faamaonia i latou e le ekalesia e fai ma taitai e faaa'uina le galuega na amata e le au aposetolo. O le faavae loloto lea ua maua ai lo latou valaauina, o lo latou iloatino o le Atua.

Ua autasi ai, o faifeau (ua maea faauuina) ma tagata lotu (o ē faatuatua e le o ni faifeau faauu) latou te māta'i ma faamaonia le i ai o meaalofa ma faapolopolo a le alofatunoa i itutino o le tino o Keriso. E muai tutupu mea uma nei i totonu o le ekalesia faalenuu. Ona faia faapena foi lea i totonu o fonotaga a itumalo – o le fono faaletausaga e futiafu faatasi ai ekalesia e fetausia'i ai ma lagolago le galuega a le fuiaulotu – latou te filifilia ē 'a faauuina e fai ma faifeau. O Tiakono, o ē ua valaauina ma faauuina e tautua i aunaunaga eseese, ua lē faatūmūa ai le lauga ma le fai faamanatuga i lo latou fatuaiga tausī. Ua faauuina le au toeaīina latou te limateu le tino o Keriso i le laugaina o le Talalelei, faatinoina o sakalameta, faafaileleina o tagata i tapuaiga, ma faatonutonu le olaga faaaulotu.

O faapotopotoga o tagata lotu ma faifeau, e filifilia ofisa o taitaitausi itumalo ma taitaitausi āoaō. O taitaitausi o itumalo e agaitonu a latou taitaiga faafaifeau faaleagaga i ekalesia ma faifeau o le nofoaga ua maea faamaoti. A'o taitaitausi aoao e faatinoina le galuega faaaposetolo faafaifeau i le fuiaulotu atoa, ia malu tausia le autasi o le ekalesia i ona talitonuga atoa ma le amiopaia. O le fegalegalea'i o taitai nei, ua avea ai i latou ma faataitaiga o le olaga o Keriso, a'o latou faataoto le vaaiga mamao e mafai ona talia e le ekalesia atoa.

E tatau ona taōofai atoa le va o malo i le tofa manino a taitaitausi. O le latou matāfaiōi lea, o le faamanino o le vaaiga mamao ma le manaoga mo tamaoaiga e tautua ai itu eseese o le tino o le ekalesia. Ia auai i le faasoaina o tamaoaiga mo nofoaga matitiva o la tatou tautua i le lalolagi, ma ia latou faamaopoopo le ekalesia i tala'iga ma le savāli. O le faauuga o faifeau i fonotaga a itumalo eseese, atoa ma isi faiga, ua malu tausia ai e taitaitausi le autasi o le fuiaulotu o tagata e toatele ua: eseese i malo, eseese i malosi o tamaoaiga, eseese lanu, eseese foi gagana.



O LE EKALESIA SOOFAU

O le Ekalesia Nasareta, o le upega-lalaga faatō'aga o tagata ma ekalesia o lo'o tautū i le mau o le amiopaia. E le o se aleaga talalautasi o ni ekalesia tutoatasi, po'o se fuiaulotu nā ona osiosi ai o ni ekalesia ua autasi i nai talitonuga iti, e aunoa ma se mafutaga e moni ma tonu ona faa'autamaina.

Ua soofau lēmaoluma le ekalesia.

O lona uiga, o tatou o le tino o ekalesia faalenuu ola felagolagoma'i ua faatulaga i totonu o itumalo ina ia tatou tausoa faatasi ai la tatou mautausi o le "fausia o soo ia tusa ma Keriso i nuu uma." O le feagaiga osi lea, ia tatou ola faatauagai o le tasi ma le tasi, mo le faamalieina o le mautausi ma le malu tausia o le faamaoni o faatuatuaga ua titi faitama ai i tatou.

I le avea ai ma ekalesia soofau, ua tatou:

- piiama i faatuatuaga.
- piiama i pelēga.
- piiama i tala'iga.
- piiama i fatuaiga tausi.

O le piiama i fatuaiga tausi, ua aofia ai lo tatou felagolagoma'i i mea tau tupe. Ia tofi le aulotu ma lana foai i le Tupe Faaevagelia Lalolagi ma isi foai faapitoa mo tala'iga.

Mai le amataga, o galuega faakolope lava na faaaoga e Nasareta e fau ai soo ia pei o Keriso i nuu uma. Na lē motusia le faalatele ma le faatupuina o le galuega i nofoaga na au i ai le tala'iga. A'o e tatalo ma foai ma le alofa, ua piiama oe ma isi i le faatinoga o galuega e le mafai ona e faia toatasia. So'o se foai e faia i totonu o ā outou ekalesia faalenuu, ua mautū lava lona faamoemoe, ia faatupeina le tala'iga.

Ua taofi le Ekalesia Nasareta i le tulafono o le ositaulaga tutusa, ae lē o le foai tutusa. O le taofi faatusipaia lea, e taua tele i le ekalesia faakolope, e le fuatia se ekalesia faalenuu i ana tupe maua.

O le Tupe Faaevagelia Lalolagi, o le fuafuaga faatupe galuega lea a le fuiaulotu. O nisi taimi, e faaaoga le mau faapea, "faatupeina o le tala'iga." E apo tetele atu le mau lea i lo le Tupe Faaevagelia Lalolagi. Ae ua faaaogaina lea mau, e faailoa ai ituaiga ala eseese o lo'o faatupe ai le tala'iga i tafa e fia o le lalolagi.

O lo'o ola ma sologa manuia le lagolagoina o le tala'iga ma galuega lasi a le ekalesia i itulagi uma o le Tala'iga Faakolope. O le faatupeina o le tala'iga ua telē lona taua mo le ekalesia, pe a mata'itūina le foai faataulagaosi a le toatele.

A tatou vāai i le aotelega o le tupe foai mai le lalolagi atoa, i le tu masani, e 86.1 pasene o lo'o faatino ai galuega i totonu o le ekalesia faalenuu. E faaaoga i galuega a le itumalo le 4.5 pasene. E faaaoga e kolisi a le Nasareta le 1.8 pasene e aoao ma faasoo ai tamaiti aoga. Faamomoli loa le 7.6 pasene i le Tupe Faaevagelia Lalolagi mo misionare, galuega faakolope, ma isi teugā tupe faapitoa ua maea faamaonia mo tala'iga.

O lēna ua e silataga'i, o au tupe foai ia o lo'o fai ai aoga, faugāsoo, ma momoli ai le Talalelei i tamaiti, talavou, ma tagata matutua. A e foai, ua pīama oe ma isi Nasareta mai le lotoifale o le ekalesia soofau; ua outou alofagia ē ua nutimomoia, ua outou faatini le tala'iga mo agaga sē i le lalolagi, ma outou fau soo ia pei o Keriso i nuu uma.

O le Tupe Faaevagelia Lalolagi, o tala'iga faapitoa, ma le talā faatupe tala'iga – o faamuliola uma ia o le pīama i fatuaiga tausī – ua faafaigofie ai e le ekalesia ona sī taua ana misionare, a'otau ana taitai mo malo eseese, ma gafatia ona avatu ana faiaoga e faaevagelia, fausoo, ma aoao le isi tupulaga o Nasareta.

Kerisiano. Amiopaia. Faatala'i.

Ua tatou molimauina nei le faatinoga o le vaaiga mamao mai lo tatou uluai taitaitausi āoāo, Fineaso F. Bresee. Na tautalagia e ia mai le amataga le “vaaiga mai le lagi” o le Ekalesia Nasareta o lo'o folau taamilo i le lalolagi ma le “faaolataga ma le amiopaia i le Alii.”

O lo'o pīama nei le 'au Nasareta uma, i soo se alalafaga, i le faatinoga lautele o lenei vaaiga mamao.

So'o se olaga ua felua'ina, o le molimau ta'utino lea o le aoaoga mai le Amiopaia-Faaueselē ua aoaoina ai le faaolataga atoatoa mo tagata uma.

O le mautausi a le ekalesia, “ia fausia soo ia pei o Keriso i nuu uma”, o lo'o faamanatu mai ai pea ia i tatou, ua i o tatou lima le faatonuga faaleagaga, i le ma lea, ua i ai foi le faamoemoega, ia avea i tatou ma tausimea lelei o tamaoaiga uma ua foai mai e le Alii.

Mai le Atua le mautausi, o lona uiga, e tumati'e le faatonuga o lo tatou faamoemoega, ua faafaigofie mai e le Agaga Paia o lo'o afio i totonu ia i tatou.

Tatou te faamamalu i lo tatou “tofi matagofie”; na o lenei, e le solomuli le ekalesia i le tuana'i, pē 'ā faamautū foi i le mea ua i ai nei. O tatou o soo o lesu Keriso, tatou te folau agai i luma, ia taunuu i le aai, “o Lē na fuafua ma tufugaina, o le Atua lava lea” (Eperu 11:10).

Faauta, ua faia e le Atua mea uma ia fou!

O le Ekalesia

O le Ekalesia Faalenuu

Ua manao le Ekalesia Nasareta ia aafia tagata uma i le alofatunoa felua'iolaga o le Atua e ala i le faamagaloga o agasala ma le faamamāina o le agaga ia Keriso e ala i le mana o le Agaga Paia.

O la tatou mautausi lea, “ia fausia i malo uma ni soo e foliga tusa ma Keriso.” Ua tatou taofi, o le uiga lea o le mau, ia faaulufale tagata faatoa faatuatua i totonu o a tatou mafutaga, ua avea ma sui totino o ekalesia faalenuu, e faa'upegaina ai i latou e tautua Keriso.

O le sini tumati'e lea e fia ausia e le fuinuu o le faatuatua, a oo mai le toe aso, ia momoli atu ia Keriso tagata uma, ua oo i le atoatoa (Kolose 1:28).

○ totonu lava o le ekalesia faalenuu e faaolaina ai, faaatoatoaina ai, aoaoina ai, ma tofia ai le au faatuatua mo tautua eseese. ○ foliga vaaia ia o lo tatou faatuatua ma la tatou mautausi, o le ekalesia faalenuu, o le Tino o Keriso.

○ le Ekalesia Faaleitumalo

Mo faamoemoega faatofiga taitai, ua tuu faatasi a tatou ekalesia faalenuu i totonu o itumalo ma itulagi.

○ le itumalo, o le faapotopotoga fausia mai ekalesia faalenuu tutū felagolagoma'i. Ua faatulagaina e faafaigofie le tala'iga a ekalesia faalenuu taitasi e ala i le ola felagolagoma'i, fetufaa'iga o tamaoaiga, ma faatofala'iga.

○ le taitaitausi itumalo ua gafa ma le vaavaaiga o le itumalo ua faapatinoaina, a'o folau piiama ma le laulaufono faufautua a le itumalo.

○ le Ekalesia Āoāo

○ maa faavae o le autasi i totonu o le Ekalesia Nasareta e aofia ai talitonuga, puleaga, faaupuga, ma faagasologa o lo'o tusia i totonu o le Faavae o le Ekalesia Nasareta.

○ le fatu o lea autasi o lo'o faalauiloaina i totonu o Mau o le Faatuatuaga. Ua matou faalototele atu i le ekalesia i itulagi ma gagana eseese, ia faaliliu, faasalalau, ma aoao talitonuga nei i o tatou tagata. ○ le pitofilo auro lenei o lo'o mamanu ai le la'ei o lo tatou faasinomaga ma la tatou galuega fai faanasareta.

○ le foliga vaaia lea o lo tatou autasi, o le Fono Āoāo, o le "Pule Tofia o le Ekalesia Nasareta, e tumati'e i le fauina o talitonuga ma le faiga tulafono." (Faavae 300).


○ le foliga vaaia lona-lua, o le Laulaufono Āoāo faavaomalo, o le sui vaaia o le ekalesia atoa.

○ le foliga vaaia lona-tolu, o le Laulaufono a Taitaitausi Āoāo, o ē ono faaliliuina le Faavae, faamaonia teuteuga faaleaganuu, ma faauuina tagata i le galuega faafaifeau.

○ le puleaga o le Ekalesia Nasareta e pulea e sui tofia, o lona uiga, ua tatou 'aloese mai le faaepikopo e tautū i le pulepuletutū a faifeau ma le faaulotu lemuta'ia e tautū i le pulepuletutū a tagata lotu.

E lē na ona soofau le ekalesia. E soofau ma soo felavasa'i. E malosī atu lo tatou sootaga i lo lē maea tuatasi e mafai ona motusia i soo se taimi.

○ le a ea le pogai o lo tatou fusi faatasi faapea? ○ Iesu Keriso lava.





O LE EKALESIA SOOFAU

O le Ekalesia Nasareta, o le upega-lalaga faatō'aga o tagata ma ekalesia o lo'o tautū i le mau o le amiopaia. E le o se aleaga talalautasi o ni ekalesia tutoatasi, po'o se fuiaulotu nā ona osiosi ai o ni ekalesia ua autasi i nai talitonuga iti, e aunoa ma se mafutaga e moni ma tonu ona faa'autamaina.

Ua soofau lēmaoluma le ekalesia.

O lona uiga, o tatou o le tino o ekalesia faalenuu ola felagolagoma'i ua faatulaga i totonu o itumalo ina ia tatou tausoa faatasi ai la tatou mautausi o le "fausia o soo ia tusa ma Keriso i nuu uma." O le feagaiga osi lea, ia tatou ola faatauagai o le tasi ma le tasi, mo le faamalieina o le mautausi ma le malu tausia o le faamaoni o faatuatuaga ua titi faitama ai i tatou.

I le avea ai ma ekalesia soofau, ua tatou:

- piiama i faatuatuaga.
- piiama i pelēga.
- piiama i tala'iga.
- piiama i fatuaiga taus.

O le piiama i fatuaiga taus, ua aofia ai lo tatou felagolagoma'i i mea tau tupe. Ia tofu le aulotu ma lana foai i le Tupe Faaevagelia Lalolagi ma isi foai faapitoa mo tala'iga.

Mai le amataga, o galuega faakolope lava na faaaoga e Nasareta e fau ai soo ia pei o Keriso i nuu uma. Na lē motusia le faalautele ma le faatupuina o le galuega i nofoaga na au i ai le tala'iga. A'o e tatalo ma foai ma le alofa, ua piiama oe ma isi i le faatinoga o galuega e le mafai ona e faia toatasia. So'o se foai e faia i totonu o ā outou ekalesia faalenuu, ua mautū lava lona faamoemoe, ia faatupeina le tala'iga.

Ua taofi le Ekalesia Nasareta i le tulafono o le ositaulaga tutusa, ae lē o le foai tutusa. O le taofi faatusipaia lea, e taua tele i le ekalesia faakolope, e le fuatia se ekalesia faalenuu i ana tupe maua.

O le Tupe Faaevagelia Lalolagi, o le fuafuaga faatupe galuega lea a le fuiaulotu. O nisi taimi, e faaoga le mau faapea, “faatupeina o le tala’iga.” E apo tetele atu le mau lea i lo le Tupe Faaevagelia Lalolagi. Ae ua faaogaina lea mau, e faailoa ai ituaiga ala eseese o lo’o faatupe ai le tala’iga i tafa e fia o le lalolagi.

O lo’o ola ma sologa manuia le lagolagoina o le tala’iga ma galuega lasi a le ekalesia i itulagi uma o le Tala’iga Faakolope. O le faatupeina o le tala’iga ua telē lona taua mo le ekalesia, pe a mata’itūina le foai faataulagaosi a le toatele.

A tatou vāai i le aotelega o le tupe foai mai le lalolagi atoa, i le tu masani, e 86.1 pasene o lo’o faatino ai galuega i totonu o le ekalesia faalenuu. E faaoga i galuega a le itumalo le 4.5 pasene. E faaoga e kolisi a le Nasareta le 1.8 pasene e aoao ma faasoo ai tamaiti aoga. Faamomoli loa le 7.6 pasene i le Tupe Faaevagelia Lalolagi mo misionare, galuega faakolope, ma isi teugā tupe faapitoa ua maea faamaonia mo tala’iga.

O lena ua e silataga’i, o au tupe foai ia o lo’o fai ai aoga, faugāsoo, ma momoli ai le Talalelei i tamaiti, talavou, ma tagata matutua. A e foai, ua piiama oe ma isi Nasareta mai le lotoifale o le ekalesia soofau; ua outou alofagia ē ua nutimomoia, ua outou faatini le tala’iga mo agaga sē i le lalolagi, ma outou fau soo ia pei o Keriso i nuu uma.

O le Tupe Faaevagelia Lalolagi, o tala’iga faapitoa, ma le talā faatupe tala’iga – o faamuliola uma ia o le piiama i fatuaiga tausī – ua faafaigofie ai e le ekalesia ona sīi taua ana misionare, a’otau ana taitai mo malo eseese, ma gafatia ona avatu ana faiaoga e faaevagelia, fausoo, ma aoao le isi tupulaga o Nasareta.

Kerisiano. Amiopaia. Faatala’i.

Ua tatou molimauina nei le faatinoga o le vaaiga mamao mai lo tatou uluai taitaitausi āoāo, Fineaso F. Bresee. Na tautalagia e ia mai le amataga le “vaaiga mai le lagi” o le Ekalesia Nasareta o lo’o folau taamilo i le lalolagi ma le “faaolataga ma le amiopaia i le Alii.”

O lo’o piiama nei le ‘au Nasareta uma, i soo se alalafaga, i le faatinoga lautele o lenei vaaiga mamao.

So’o se olaga ua felīua’ina, o le molimau ta’utino lea o le aoaoga mai le Amiopaia-Faaueselē ua aoaoina ai le faaolataga atoatoa mo tagata uma.

O le mautausi a le ekalesia, “ia fausia soo ia pei o Keriso i nuu uma”, o lo’o faamanatu mai ai pea ia i tatou, ua i o tatou lima le faatonuga faaleagaga, i le ma lea, ua i ai foi le faamoemoega, ia avea i tatou ma tausimea lelei o tamaoaiga uma ua foai mai e le Alii.

Mai le Atua le mautausi, o lona uiga, e tumati’e le faatonuga o lo tatou faamoemoega, ua faafaigofie mai e le Agaga Paia o lo’o afio i totonu ia i tatou.

Tatou te faamamalu i lo tatou “tofi matagofie”; na o lenei, e le solomuli le ekalesia i le tuana’i, pē ‘ā faamautū foi i le mea ua i ai nei. O tatou o soo o Iesu Keriso, tatou te folau agai i luma, ia taunuu i le aai, “o Lē na fuafua ma tufugaina, o le Atua lava lea” (Eperu 11:10).

Faauta, ua faia e le Atua mea uma ia fou!

Ua tatou talitonu

I le Atua e toatasi —o le Tama, Alo, ma le Agaga Paia.

○ le Feagaiga Tuai ma le Feagaiga Fou, na tauala mai le manavaga paia atoatoa, ua i ai mea tonu uma ua tatau i le faatuatua ma le ola faakerisiano.

○ tagata uma ua fanaua ma le natura pa'ū, fua lea o le gaua'i i le leaga ma olaola ai lava faapea.

○ le iuga o ē amioleaga ua lē o i ai se faamoemoe, ua na o le fano lava e faavavau.

○ le togiola e ala ia Iesu Keriso ua faia mo tagata uma lava; soo se tasi e salamō ma talitonu i le Alii o Iesu Keriso, e ta'uamiotonuina, toefuata'iina, ma faaolaina o ia mai le pule a le agasala.

○ ē ua faatuatua e faapaiaina atoatoa i latou, pe a maea ona toefuata'ina, e ala i le faatuatua i le Alii o Iesu Keriso.

Ua avea le Agaga Paia ma molimau o le fanau fou atoa ma le faapaiaina atoatoa o ē ua faatuatua.

E toe afio mai lo tatou Alii, e toe tutū ē ua oti, e faataunuuina lava le faamasinoga mulimuli.